

## **Z A P I S N I K**

**sa Treće Radne sjednice Skupštine Kantona Sarajevo  
održane u srijedu, 23.01.2019. godine sa početkom rada u 10,00 sati**

Predsjedavajući Elmedin Konaković (U daljem tekstu predsjedavajući) je pozdravio sve prisutne i otvorio Treću Radnu sjednicu Skupštine Kantona Sarajevo. /HIMNA/

Prema evidenciji Službe, sjednici prisustvuje 29 zastupnika, što je dovoljan broj za punovažan rad i odlučivanje.

Izostanak sa ove sjednice opravdali su: Sabahudin Delalić, Hamed Aljović, Haris Pleho, Bibija Kerla.

Sjednici su prisustvovali poslanici/zastupnici:

#### **SDA - STRANKA DEMOKRATSKE AKCIJE**

1. Jasmina Bišćević-Tokić
2. Samra Ćosović-Hajdarević
3. Aljoša Čampara
4. Mirza Čelik
5. Mahir Dević
6. Amra Hasagić
7. Admela Hodžić
8. Smiljana Viteškić

#### **POLITIČKA ORGANIZACIJA "NAROD I PRAVDA"**

1. Vedran Jakupović
2. Elmedin Konaković
3. Danijela Kristić
4. Amel Mekić
5. Arijana Memić
6. Elvedin Okerić

#### **POLITIČKA ORGANIZACIJA GRAĐANA "NAŠA STRANKA"**

1. Vildana Bešlija
2. Neira Dizdarević
3. Edin Forto
4. Vibor Handžić
5. Damir Marjanović

#### **SOCIJALDEMOKRATSKA PARTIJA BOSNE I HERCEGOVINE**

1. Damir Nikšić
2. Srna Bajramović Srna
3. Igor Stojanović
4. Samir Suljević

#### **SAVEZ ZA BOLJU BUDUĆNOST BIH – FAHRUDIN RADONČIĆ**

1. Jasna Duraković
2. Mirvad Kurić
3. Zvonko Marić
4. Dževad Poturak

#### **DEMOKRATSKA FRONTA**

1. Senad Hasanović
2. Sead Milavica

## NEZAVISNA BOSANSKOHERCEGOVAČKA LISTA

1. Amra Junuzović-Kaljić
2. Fahrudin Pecikoza

Prije utvrđivanja dnevnog reda sjednice predsjedavajući je informisao da je Centralna izborna komisija na sjednici održanoj dana 10.01.2019. godine donijela Odluke o prestanku mandata Kurić Mirvadu i Forto Edinu, zastupnicima sa liste političkih subjekata SBB-Fahrudin Radončić i Naša stranka i mandat je dodijeljen Bilseni Šahman sljedećem kvalificiranom kandidatu sa liste političkog subjekta SBB-Fahrudin Radončić i Vreto Elvisu sljedećem kvalificiranom kandidatu sa liste političkog subjekta Naša stranka  
Bilsena Šahman i Vreto Elvis su pristupili davanju Svečane izjave kako slijedi:

SVEČANO IZJAVLJUJEM DA ĆU POVJERENU DUŽNOST OBAVLJATI SAVJESNO, PRIDRŽAVATI SE USTAVA I ZAKONA BOSNE I HERCEGOVINE, FEDERACIJE BOSNE I HERCEGOVINE I KANTONA SARAJEVO, ZALAGATI SE ZA LJUDSKA PRAVA I SLOBODE I DA ĆU U SVIM PRILIKAMA ŠTITITI INTERESE BOSNE I HERCEGOVINE, FEDERACIJE BOSNE I HERCEGOVINE I KANTONA SARAJEVO I RAVNOPRAVNOST NARODA I GRAĐANA KOJI U NJIMA ŽIVE.

### UTVRĐIVANJE DNEVNOG REDA SJEDNICE

Predsjedavajući je informisao da je Prijedlog dnevnog reda Treće Radne sjednice Skupštine Kantona Sarajevo utvrdio je Kolegij Skupštine na sjednici održanoj dana 11.01.2019. godine.

Nadalje, predsjedavajući je informisao da je na osnovu člana 73. Poslovnika Skupštine Kolegij je 18.01.2019. godine prihvatio da se Prijedlog dnevnog reda 3. Radne sjednice, dopuni sa sljedećim tačkama:

- Prijedlog odluke o davanju saglasnosti na Nacrt ugovora o zajedničkoj izgradnji kompleksa objekata, sportsko rekreativni centar sa otvorenim bazenom i pratećim sadržajem i platformom iznad rijeke Dobrinje između Kantona Sarajevo-Ministarstva kulture i sporta Kantona Sarajevo i Zavoda za izgradnju Kantona Sarajevo sa jedne strane i Općine Novi Grad Sarajevo s druge strane; (razmatraće se kao 5. tačka dnevnog reda)
- Prijedlog odluke o potvrđivanju razrješenja predsjednika i članova Skupštine Javnog preduzeća „Televizija Kantona Sarajevo“ d.o.o. Sarajevo (razmatraće se kao 6a. tačka dnevnog reda)
- Prijedlog odluke o potvrđivanju imenovanja vršilaca dužnosti predsjednika i članova Javnog preduzeća „Televizija Kantona Sarajevo“ d.o.o. Sarajevo (razmatraće se kao 6b.tačka dnevnog reda)
- Prijedlog odluke o davanju saglasnosti na zaključenje Anex-a br.1. na osnovni Ugovor o zakupu poslovnog prostora broj: 0203-13-990 od 28.09.2017. godine, između ugovornih strana: Kliničkog centra Univerziteta u Sarajevu kao zakupodavca i Kantona Sarajevo (Ministarstva za rad, socijalnu politiku, raseljena lica i izbjeglice, Ministarstva zdravstva i Kantonalne javne ustanove „Dom za socijalno zdravstveno zbrinjavanje osoba sa invaliditetom i drugih osoba“), kao zakupca. (Razmatraće se kao tačka 7. dnevnog reda)

Predsjedavajući je predložio sljedeći DNEVNI RED:

1. Poslanička/zastupnička pitanja, inicijative i odgovori;
2. Prijedlog zakona o plaćama i naknadama u organima vlasti u Kantonu Sarajevo;
3. Nacrt Zakona o prijavljivanju, utvrđivanju porijekla i kontroli imovine izabranih i imenovanih dužnosnika, nosilaca izvršnih funkcija i savjetnika u Kantonu Sarajevo;
4. Prijedlog Odluke o davanju saglasnosti na Izvještaj o radu sa finansijskim izvještajem Kantonalne agencije za privatizaciju Sarajevo za 2017.godinu;
5. Prijedlog odluke o davanju saglasnosti na nacrt ugovora o zajedničkoj izgradnji kompleksa objekata, sportsko rekreativni centar sa otvorenim bazenom i pratećim sadržajem i platformom iznad rijeke Dobrinje između Kantona Sarajevo-Ministarstva kulture i sporta Kantona Sarajevo i Zavoda za izgradnju Kantona Sarajevo sa jedne strane i Općine Novi Grad Sarajevo s druge strane;
6. a) Prijedlog odluke o potvrđivanju razrješenja predsjednika i članova Skupštine Javnog preduzeća „Televizija Kantona Sarajevo“ d.o.o. Sarajevo;  
b) Prijedlog odluke o potvrđivanju imenovanja vršilaca dužnosti predsjednika i članova Javnog preduzeća „Televizija Kantona Sarajevo“ d.o.o. Sarajevo;
7. Prijedlog odluke o davanju saglasnosti za zaključenje Anex-a br.1.na osnovni Ugovor o zakupu poslovnog prostora broj: 0203-13-990 od 28.09.2017. godine, između ugovornih strana: Kliničkog centra Univerziteta u Sarajevu kao zakupodavca i Kantona Sarajevo (Ministarstva za rad, socijalnu politiku, raseljena lica i izbjeglice, Ministarstva zdravstva i Kantonalne javne ustanove “Dom za socijalno zdravstveno zbrinjavanje osoba sa invaliditetom i drugih osoba”), kao zakupca.
8. Izvještaj o izvršavanju Budžeta Kantona Sarajevo za period od 01.01. do 31.12.2017. godine;
9. Izvještaj o poslovanju KJKP:
  - a."Vodovod i kanalizacija" d.o.o. za 2017. godinu;
  - b. “RAD” d.o.o. Sarajevo za 2017. godinu;
  - c.“POKOP” d.o.o. Sarajevo za 2017. godinu;
  - d.“TRŽNICE-PIJACE” d.o.o. Sarajevo za 2017. godinu;
  - e.“TOPLANE SARAJEVO” d.o.o. Sarajevo za 2017. godinu;
  - f. “SARAJEVOGAS” d.o.o. Sarajevo za 2017. godinu;
  - g."PARK" d.o.o. Sarajevo za 2017. godinu
10. Izvještaj o poslovanju KJP:
  - a.za gospodarenje državnim šumama "Sarajevo-šume"d.o.o. Sarajevo za 2017. godinu;
  - b. Centar Skenderija d.o.o Sarajevo;
  - c. "ZOI 84" Olimpijski centar d.o.o. Sarajevo;
  - d. "Veterinarska stanica" d.o.o. Sarajevo;
  - e. "Poljoprivredno dobro Butmir"d.o.o. Sarajevo
11. Izvještaj o radu i finansijskom poslovanju za 2017. godinu:
  - a. Kliničkog centra Univerziteta u Sarajevu;
  - b. JU Opća bolnica „Prim. dr. Abdulah Nakaš“ ;
  - c. JU Psihijatrijska bolnica Kantona Sarajevo;
  - d. JU „Apoteke Sarajevo“;
  - e. JU Dom zdravlja Kantona Sarajevo;
  - f. JU Zavod za bolesti ovisnosti Kantona Sarajevo;
  - g. JU Zavod za hitnu medicinsku pomoć Kantona Sarajevo;
  - h. JU Zavod za javno zdravstvo Kantona Sarajevo;
  - i. JU Zavod za medicinu rada Kantona Sarajevo;
  - j. JU Zavod za zdravstvenu zaštitu žena i materinstva Kantona Sarajevo;
  - k. JU Kantona Sarajevo Zavod za zaštitu zdravlja studenata Univerziteta u Sarajevu;

- l. JU Zavod za sportsku medicinu Kantona Sarajevo;
- m. JU Zavod za zdravstvenu zaštitu zaposlenika Ministarstva unutrašnjih poslova Kantona Sarajevo;
12. Izvještaj o radu i finansijskom poslovanju Zavoda zdravstvenog osiguranja Kantona Sarajevo za 2017. godinu;
13. Izvještaj o radu i finansijskom poslovanju JU za 2017.godinu:
  - a. MES- Međunarodni teatarski festival- Scena MESS;
  - b. Muzej Sarajeva ;
  - c. Historijski arhiv Sarajevo ;
  - d. Muzej “Alija Izetbegović”;
  - e. Centar za kulturu Kantona Sarajevo;
  - f. “Kamerni teatar 55”;
14. Izvještaj o radu Kantonalne uprave za inspeksijske poslove Kantona Sarajevo za 2017. godinu;
15. Izvještaj o radu i finansijski izvještaj Kantonalnog zavoda za pružanje besplatne pravne pomoći za 2017.godinu;
16. Izvještaj o poslovanju KJKP "Gras" za 2017.godinu;
17. Izvještaj o poslovanju JP” Televizija Kantona Sarajevo” za 2017. godinu;
18. Izvještaj o radu Pravobranilaštva Kantona Sarajevo za 2017. godinu;
19. Izvještaj o radu i finansijskom poslovanju Kantonalne javne ustanove za zaštićena prirodna područja za 2017. godinu;
20. Izvještaj o poslovanju Kantonalne javne ustanove "Gerontološki centar" za 2017. godinu (Izvještaj o radu sa Izvještajem o finansijskom poslovanju za 2017. godinu);
21. Izvještaj o srednjoročnoj evaluaciji integrirane Strategije razvoja Kantona Sarajevo za razdoblje 2016.-2017. godine ;
22. Izvještaj o radu sa finansijskim poslovanjem Univerziteta u Sarajevu za period 01.01. - 31.12.2017. godine;
23. Izvještaj Ministarstva saobraćaja Kantona Sarajevo, o broju dopunskih taksi oznaka u Kantonu Sarajevo u 2018. godini;
24. Izvještaj o izvršenju sankcija u Kantonu Sarajevo za 2017. godinu;

ZASTUPNICA NEIRA DIZDAREVIĆ JE INTERVENISALA ZBOG ČINJENICE DA NOVI ZASTUPNICI NE MOGU PRISTUPITI GLASANJU S OBZIROM DA NE POSJEDUJU ELEKTRONSKE KARTICE.

Predsjedavajući je dao pauzu u trajanju od 5 minuta kako bi se ovaj tehnički problem riješio.

ZASTUPNICI SU PRISTUPILI IZJAŠNJAVANJU O DNEVNOM REDU ZA TREĆU RADNU SJEDNICU I NAKON GLASANJA KONSTATOVANO JE DA JE SKUPŠTINA JEDNOGLASNO (30 „ZA”, 1 „NIJE GLASAO”) USVOJILA DNEVNI RED KAKO JE I PREDLOŽEN.

Kao informativni materijal zastupnicima je dostavljeno sljedeće:

- Izvještaj o provođenju Zakona o novčanim podsticajima u poljoprivredi na području Kantona Sarajevo u 2017. godini.

Predsjedavajući je podsjetio da je prije realizacije prve tačke dnevnog reda obavezno razmatranje Zapisnika sa Stenogramom sa 1. i 2. Hitne sjednice i 1. Radne sjednice Skupštine Kantona Sarajevo, koji su zastupnicima dostavljeni uz poziv za sjednicu.

a)

**Zastupnici su pristupili glasanju i nakon glasanja konstatovano je da je Skupština JEDNOGLASNO (30 „ZA”, 1 „NIJE GLASAO”) potvrdila Zapisnik sa 1. Hitne sjednice sjednice Skupštine Kantona Sarajevo održane 20.11.2018.godine.**

b)

**Zastupnici su pristupili glasanju i nakon glasanja konstatovano je da je Skupština JEDNOGLASNO (29 „ZA”, 2 „NISU GLASALA”) potvrdila Zapisnik sa 2. Hitne sjednice Skupštine Kantona Sarajevo održane 05.12.2018.godine.**

c)

**Zastupnici su pristupili glasanju i nakon glasanja konstatovano je da je Skupština JEDNOGLASNO (30 „ZA”, 1 „NIJE GLASAO”) potvrdila Zapisnik sa 1. Radne sjednice Skupštine Kantona Sarajevo održane 19.12.2018.godine.**

Nakon usvajanja zapisnika u 10,46 sati je uslijedila realizacija prve tačke dnevnog reda.

#### **AD – 1.**

#### **POSLANIČKA/ZASTUPNIČKA PITANJA, INICIJATIVE I ODGOVORI**

Zastupnička pitanja postavili su Mirza Čelik, Damir Marjanović, Segmedina Srna Bajramović, Senad Hasanović, Amra Hasagić, Amra Junuzović- Kaljić, Danijela Kristić, Smiljana Viteškić, Jasna Duraković, Vedran Jakupović, Elvis Vreto, Aljoša Čampara, Igor Stojanović, Admela Hodžić, Zvonko Marić, Neira Dizdarević, Vibor Handžić, Damir Nikšić, Mahir Dević, Mekić Amel, Elvedin Okerić,

Poslanik/zastupnik Zvonko Marić je izrazio negodavanje zbog nedobivanja odgovara:

„Budući da se nastavlja ona iščašena praksa ne odgovaranja na zastupnička pitanja u roku, navedenom Poslovnikom, pogotovo od strane Javnih Kantonalnih poduzeća, fondova i drugih Kantonalnih organa mimo Ministarstava, molim vas ako nam možete upriličiti to da neko odgovori ili sekretarka ili vi Predsjedavajući ili Ministrica za pravdu i upravu Brčić i to usmeno ako može da kaže , šta nam nudite i koje zakonske sankcije su nam na raspolaganju protiv direktora pomenutih ustanova kao i zaposlenih unutar njih ako očigledno ne žele odgovarati na ova pitanja. Vi se Predsjedavajući sjećate da je negativno poslovanje, odnosno djelovanje Vlade upravo zahvaljujući neodgovorenim pitanjima, njih je bilo preko 53%. Znači kada dođemo u ovu salu mene ovo podsjeća na jednu kolektivnu terapiju . Mi sjednemo na jednoj strani, ministri na drugoj , direktori poduzeća na trećoj. Mi kroz instituciju pitanja i inicijativa ovdje ispraznimo svoje frustracije, a oni demonstriraju nam kako su nedodirljivi. Ako ćemo imitirati parlamentarni život i imitaciju , onda nema smisla ni ova institucija pitanja i inicijativa. Molim Vas, ako možete da nam date odgovor za takvo nešto”.

Sekretar Skupštine Almira Kulovac Šetkić je dala odgovor:

„Što se tiče ovog upita uvaženog zastupnika Zvonka Marića , ja moram reći da Poslovnik zaista ne predviđa nikakve sankcije ukoliko se ne dostavi. Dakle, jedino što imamo regulisano to je u članu 216. Poslovnika koji kaže da od dana postavljanja jednog pitanja do dana uvrštavanja

usmenog odgovora i pismenog, na dnevni red Sjednice ne smije proći više od 30 dana. To je jedino što Poslovnik govori”.

### **Predsjedavajući je informisao da su u izmjene Poslovnika na kojima radi radna grupa.**

Ministrica pravde i uprave Lejla Brčić dala odgovor:

„Vezano za ovo pitanje željela bih informisati da Ministarstvo pravde trenutno priprema Uredbu o javnosti rada, kojom će biti regulisan način rada i dostupnosti informacija u institucijama kojima je osnivač Kanton Sarajevo i ovo će biti jedno od tih pitanja, i bit će predviđene naravno i sankcije za rukovodioce za nepostupanje. Tako da, evo mislim, uskoro ćemo imati rješenje”.

Poslanik/zastupnik Mirza Čelik je postavio jedno zastupničko pitanje:

„Ja imam jedno zastupničko pitanje. Obzirom da imam informaciju da je vršen prijem u ministarstvima na način da su se sklapali ugovori, i to, Ugovor o djelu, Ugovor na određeno vrijeme ili Ugovor o privremenim i povremenim poslovima, od imenovanja nove Vlade tražim usmeni odgovor od premijera da potvrdi gore navedene informacije i da nas informiše u kojim je ministarstvima vršen prijem. I evo, koristim priliku da pozovem sve građane Kantona Sarajevo danas je zadnji rok za predaju Amandmana za Prijedlog Budžeta i ako imaju primjedbe da isto učine na protokol Skupštine Kantona Sarajevo”.

Poslanik / zastupnik Damir Marjanović je postavio dva zastupnička pitanja:

„Ima dva pitanja. Oba idu prema Ministarstvu obrazovanja nauke i mladih KS. Prvo pitanje je da li je u Budžetu 2019. predviđena stavka kojom bi trebalo da započne rad vrtića na Aneksu , i druga je , zamolio bih kolege iz ministarstva da nam dostave informaciju ovom dinamikom ulaganja u izgradnju osnovne škole na Šipu , koja je projekcija , u kojoj školskoj godini bi ona trebala da bude funkcionalna?”

Poslanik /zastupnik Segmedina Srna Bajramović je uputila dvije zastupničke inicijative:

„Za danas ima dvije zastupničke inicijative. Prva, tražim od Resornog Ministra da u cilju zaštite javnog interesa i transparentnog utroška javnog novca, pokrene postupak revizije projekta izgradnja hidro-mašinskog dijela treće faze filterskog postrojenja Bosna konaci, zbog očiglednih propusta i nepravilnosti u realizaciji tendera. Naime , procijenjena vrijednost tendera se bez značajnih izmjena u specifikaciji , obimu poslova u okviru tenderske dokumentacije uvećala sa 2 mil. 393 00 hiljade KM na enormnih 2 mil.800 hiljada KM, dalje , rok za dostavu ponude se nakon niza upita i nedorečenosti prvo produžava , pa onda skraćuje , iako Zakon o javnim nabavkama ne daje mogućnost skraćivanja vremenskog termina za dostavu dokumentacije , već samo i opravdano , eventualno mogućnost produženja roka. U tenderu se iz nepoznatih razloga ,odjednom, može ponuditi isključivo aparat Hloratol 250 koji interesantno , proizvodi samo jedna firma koja je također jedan od učesnika tendera, što direktno implicira da se ovim svjesno isključuju iz konkurencije svi drugi ponuđači . Navedeni , diletantizam u kompletnom tenderu je, zbog žalbi ponuđača vodovod već koštao preko 10 hiljada KM. Drugi tender broj 247 -1-3-3008-400/18 raspisan je 30.11.2018g. Sa rokom dostavljanja ponuda 25.12.2018.g , što nije u skladu sa odredbama Zakona o javnim nabavkama. Prema zakonskim odredbama rok za dostavu ponuda morao je biti 45 dana , a ne 30 dana kako stoji u tenderu . Evidentno se žuri sadašnjoj administraciji . VIK-a da ovaj posao završe što prije. Moja druga inicijativa je motivisana činjenicom da već mjesecima na pojedinim portalima traje opravdano ismijavanje javnosti sa javnim nabavkama, koje se mogu vidjeti od pojedinih naših Kantonalnih preduzeća, da prosto čovjek ne može da povjeruje koliko su nam menadžmenti kreativni kada troše narodni novac. Radi ilustracije , Kantonalno javno komunalno preduzeće Sarajevo Gas pokreće postupak zbog organizacije tombole u iznosu od 1783KM , tržnice rafting u iznosu 5791KM, jede se kilogram janjetine od 50KM ,a

zalijeva litrom limunade od 20 KM ili litrom narandže od 30KM. Nakon ovoga se ne trebamo čuditi što ljudi imaju mišljenje kakvo imaju o politici i političarima. Prvo tražim od vlade da se ispita tačnost prethodnih navoda, iako je nesporno da se na ovim portalima vide i odluke. Ukoliko je tačno, očekujem da vlada posebnom instrukcijom definiše svim institucijama u KS kako planovi nabavke mogu uključivati isključivo nabavke koje se odnose na kontinuiranu funkcionalnu aktivnost institucija u djelatnosti kojima se bave. Također, očekujem da se zabrane svi tipove reprezentacija koji javnim novcem plaćaju raftinge i manifestacije sličnog karaktera.

Poslanik /zastupnik Senad Hasanović je postavio jedno zastupničko pitanje i uputio inicijativu: „Za ovu Sjednicu imam jednu inicijativu i jedno pitanje. Inicijativu upućujem Vladi KS, podnosim inicijativu za podizanje spomen obilježja vijećnicima ZAVNOBiH-a na Trgu BiH u Sarajevu, polazeći od nemjerljivog značaja zasjedanja Zemaljskog antifašističkog vijeća BiH čijim odlukama su udareni temelji moderne bosanskohercegovačke državnosti, u želju da unaprijedimo i afirmišemo značaj svih akata koji su proizašli iz rada najvišeg Predstavničkog tijela BiH tokom antifašističke borbe ZAVNOBiH-a, podnosimo inicijativu da se na prostoru Trga BiH, koji se nalazi u općini Centar Sarajevo, podigne spomen obilježje svim vijećnicima ZAVNOBiH-a, na način da se izgradi Spomenik kulture sjećanja sa primjerenom simbolikom i uklesanim imenima svih vijećnika. Obrazloženje dostavljam u prilogu. Zastupničko pitanje, upućujem Ministarstvu zdravstva KS, po kom osnovu su pacijenti koji su u statusu penzionera ali imaju manje od 65 godina starosti, dužni plaćati participaciju za pruženu zdravstvenu uslugu, i da li postoji mogućnost za ukidanje takve prakse. Obrazloženje, značajan broj građana koji su u skladu sa važećim zakonskim odredbama ostvarili pravo na penziju iako imaju manje od 65 godina starosti, vrlo često se susreću sa zahtjevom da participiraju za pruženu zdravstvenu uslugu. Na ovaj način se pravi diskriminacija unutar penzionerske populacije, te se određen broj penzionera izlaže značajnim finansijskim troškovima prilikom ostvarivanja prava na zdravstvenu zaštitu. Molim pismeni odgovor”.

Poslanik/zastupnik Amra Hasagić uputila je jedno zastupničko pitanje:

„Pitanja upućujem Ministarstvu obrazovanja, molila bih za obrazloženje instrukcije kojom ste dali četvrti naziv jeziku, kada je članom 7 Zakon o osnovnom obrazovanju i odgoju a u skladu sa Ustavom definisano slijedeće: nastava i drugi oblici odgojno – obrazovnog rada u školi izvode se na jednom od tri zvanična jezika konstitutivnih naroda BiH, koji se imenuju jednim od tri naziva, bosanski jezik, hrvatski jezik ili srpski jezik. U nastavi se koriste oba zvanična pisma BiH latinica i ćirilica, a po potrebi znakovno ili Brajevo pismo. Do kraja četvrtog razreda, da ne čitam dalje nije relevantno ostalo, molila bih za usmeni odgovor.”

Poslanik/zastupnik Amra Junuzović Škaljić je postavila dva zastupnička pitanja i uputila jednu inicijativu:

„Za ovu sjednicu imam jednu inicijativu i dva pitanja. Dva zastupnička pitanja, u interesu vremena obrazloženja se nalaze u, tako da ću najkraće pokušati da vam to predstavim. Dakle, zastupnička inicijativa odnosi se na slijedeće. U Budžetu KS za 2019 na poziciji 821 000 su izdaci za nabavku stalnih sredstava, odnosno nabavku građevina Ministarstva za obrazovanje nauku i mlade KS pod ekonomskim kodom 821200 nabavka građevina. Dakle, inicijativa se odnosi na slijedeće, uvrstiti sredstva u iznosu 2 mil. 838 604,42KM na ime sanacije vanjskih zidova, fasada i alu stolarije na starogradskim osnovnim školama sve u skladu sa obrazloženim projektom i tabelarnim prikazom neophodnih sredstava koji su prilog ove inicijative. Slijedeće pitanje je upućeno Ministarstvu za boračka pitanja, ono je praktički i u kontekstu ovoga prethodnoga. Zašto Ministarstvo za boračka pitanja i Vlada KS ne obezbijede realizaciju prava na besplatnu vožnju, definirano članom 46. Stav 1. Zakona o dopunskim pravima boraca branitelja BiH? „

Dopredsjedavajuća Danijela Kristić je postavila dva zastupnička pitanja i uputila jednu inicijativu:

„Ovim putem podnosim inicijativu za subvenciju troškova produženog boravka za djecu sa invaliditetom. Molim Vladu i Nadležna resorna ministarstva da se izjasne o istoj. Obrazloženje, djeci sa invaliditetom se subvencioniraju troškovi boravka u vrtićima JU Djeca Sarajeva, međutim kada krenu u državnu osnovnu školu nije pokrivena subvencija za produženi boravak. Pohađanje produženog boravka predstavlja veoma bitno poglavlje u životu djece, ne samo u svrhu čuvanja djece dok su im roditelji na poslu, nego i zbog prilagođavanja novom okruženju i druženju sa svojim vršnjacima. Prilikom upisa u osnovnu školu roditelji se susreću sa brojnim izazovima nove sredine i prilagodbe, te bi im dio oko subvencioniranja troškova uveliko olakšao navedeni dio životnog razdoblja. Ovdje se radi o neznatnim sredstvima za Kanton Sarajevo, a o velikoj pomoći roditeljima roditeljima djece sa invaliditetom. Imam također dva pitanja zastupnička.

Prvo pitanje je za direktora ZOI'84, ovim putem dostavljam zastupničko pitanje upravi i menadžmentu ZOI-a '84 u vezi sa dešavanjem od dana 16.01.2019. kada su u kasnim noćnim satima četiri nepoznate osobe zajedno sa jednim uposlenikom van radnog vremena koristili vlasništvo ZOI-a '84, tačnije dva ratraka i sa istim napravili štetu na stazama. Šta je uprava ZOI-a '84 poduzela po pitanju ovog nemiloga događaja. Molim, ako može usmeni odgovor, ako ne pismeni.

Drugo pitanje je KCUS, da li je KCUS imenovao osobu za finansijsku unutrašnju kontrolu tj. koordinatora za finansijsko upravljanje i kontrolu koje je definisano Članom 14. Pravilnika o provođenju finansijskog upravljanja i kontrole u javnom sektoru FBiH, koje je objavljeno u Službenim novinama FBiH br.06/2017. ?Ako jeste, molim ime i prezime te osobe, kao i Odluku o imenovanju, i molim da se dostavi Skupštini Kantona Sarajevo i izvještaj za 2017g. koji je trebao biti sačinjen u skladu sa Zakonom o unutrašnjoj finansijskoj kontroli i Pravilnikom o provođenju finansijskog upravljanja kontrole u Javnom sektoru FBiH Član 10 objavljen u Službenim novinama br.06/2017.”

Dopredsjedavajuća Smiljana Viteškić je uputila tri zastupničke inicijative:

„ Jedna je upućena Ministarstvu zdravstva KS sa prijedlogom da se revidira stara ili donese nova odluka o osnivanju mreže ambulantni porodične obiteljske medicine u KS. Obrazloženje, odluka o osnivanju mreže ambulantni porodične medicine u JUZKS donešena je u skladu sa Zakonom o zdravstvenoj zaštiti iz 1997, kasnije je donešen Zakon 2010, propisuje donošenje ovakve odluke, međutim to ne ograničava Ministarstvo zdravstva KS i ovu Skupštinu da donese odluku o osnivanju mreže ambulantni porodične medicine u KS a ne u JU Dom zdravlja kako je bilo do sada. S obzirom da je u organizaciji ambulantni porodične medicine došlo do mnogih promjena zatvaranja nekih, otvaranja novih, otvaranja porodičnih ambulantni u privatnoj praksi, potreba za otvaranjem novih ambulantni i da je u toku reorganizacija zdravstvene zaštite u KS, bilo bi upitno da se definiše i usvoji mreža ambulantni porodične medicine u KS, a u skladu sa potrebama osiguranika i mogućnostima zdravstvenih ustanova kako privatnih kako i javnih. Druga inicijativa je upućena nama, da se u Skupštini Kantona Sarajevo imenuje Etičko vijeće, jer je predviđeno etičkim kodeksom poslanika, zastupnika u Skupštini Kantona Sarajevo, Službene novine Kantona 22/09 kojim se u posebno u poglavlju 10. formuliše provođenje i primjene etičkog kodeksa. Nadam se da se slažete sa ovom inicijativom i da ćemo uskoro imati etički kodeks u Skupštini Kantona Sarajevo. I evo treće, imam vremena. Znači ponosim inicijativu da se izvrši izmjena I dopuna Zakona o Vladi KS u cilju usklađivanja sa izmjenama I dopunama zakona o ravnopravnosti spolova jer u predloženim završnim odredbama ovog zadnjeg stoji da se svi državni entitetski zakoni kako I druge odgovarajući propisi usklade sa odredbama ovog zakona najkasnije u roku od 6 mjeseci. U tom slučaju znači u dijelu 9 Javni život Član 20 Stav 2 glasi da ravnopravna

zastupljenost polova postoji u slučaju kad je jedan je li od spolova zastupljen najmanje u procentu 40 %.

Poslanik /zastupnik Jasna Duraković:

„Ja danas imam jednu zastupničku inicijativu i jedno zastupničko pitanje, pa evo bit ću vrlo kratka, bez čitanja ovog obrazloženja pošto su sve ostaviti naravno u pismenoj formi, a zastupničku inicijativu upućujem prvenstveno Ministarstvu zdravstva KS a potom i Vladi KS. Inicijativa glasi, s obzirom da Univerzitet u Sarajevu podržava pokrenuti projekat provođenja pregleda studenata na fakultetima, akademijama koje od početka 2018 godine provodi Zavod za zdravstvenu zaštitu studenata u Sarajevu, predlažem Ministarstvu zdravstva KS i Vladi KS da počev od 2019 godine ozakoni ovakvu praksu radi povećanja svijesti o ranom otkrivanju, spriječavanju i liječenju bolesti kod studentske populacije. Jedna rečenica obrazloženja glasi da obavljanje ovakvih pregleda kod studentske populacije kao najosjetljivije grupe stanovništva je od izuzetnog značaja za ukupno poboljšanje zdravlja i zdravstvene zaštite studenata. Moje zastupničko pitanje će možda djelovati malo čudno, vjerujem da ga do sada niko nije postavio, međutim evidentan je ovaj postojeći problem u gradu Sarajevu, a problem se tiče vrane. Dakle vrane u Sarajevu iz godine u godinu, postaju sve veći problem stanovnika glavnog grada BiH, naime prema tvrdnjama građana a i prema vlastitim svjedočenjima, jata ovih agresivnih ptica koje stalno rastu su zaposjela gradska naselja, poput Otoke, Dobrinje i Grbavice, a dakle nisu rijetki slučajevi da vrane napadaju čak i prolaznike i tome smo svjedočili svi mi. U Ornitološkom Savezu BiH kažu kako ih građani često zovu zbog napada ovih ptica. Radi se o agresivnim pticama, postale su jedna vrsta grabežljivaca koje se jako brzo množe i postaje problem kao sto je bio problem i sa psima lualicama ako se sjećate. Napadaju građane u vrijeme parenja a to je od marta sve do ljetnog perioda, dakle zbog toga se veliki broj napada dogodio upravo u parkovima, jer se tu gnijezde a i naravno ovaj problem je, dakle, suočava se s ovim problemom i nekolicina gradova u Hrvatskoj, ali oni to rješavaju uništavanjem gnijezda u gradskim zonama. Iz Ornitološkog Saveza BiH poručuju da bi mi ovu mjeru trebali također preduzeti, nadležni bi možda trebali dogovoriti sa lovačkim društvima da se počne raditi na odstrelu tih ptica, i to bi bilo najbolje raditi naravno u zimskom periodu kada im nije sezona gniježđenja. Dakle, otići na gradsku deponiju gdje ih ima najviše i evo to završiti na taj način. Postavlja se dakle pitanje koliko je etično ubijati ove ptice, međutim mnogi ubijaju druge ptice ovaj, onako, iz hobija, koje nisu štetočine, pa zašto ne i vrane koje polahko postaju veliki problem. Dakle moje pitanje, i tražim da mi se dostavi u pisanoj formi upućujem Vladi KS i premijeru Vlade KS kako namjeravamo početi rješavati ovaj problem i da li mislite da možemo ovaj u nekom narednom periodu poduzeti konkretne mjere za rješavanje ovog problema.”

Poslanik /zastupnik Vedran Jakupović je postavio jedno zastupničko pitanje i uputio jednu inicijativu:

„Imam jednu inicijativu i jedno pitanje. Inicijativa je za Ministarstva kulture i sporta prostornog uređenja građana za zaštite okoliša i privrede. Inicijativa za sufinansiranje projekta kupovine nekretnine ili kuće koja čini sastavni dio ambijentalne cjeline Hadži Sinanove tekije sa Sarač Alijinom džamijom mezarjem u iznosu od 150 000 KM. Dakle, predmet kupovine je nekretnina tzv. Ženska kuća koja se nalazi u ulici Alije Đerzeleza br.1 čini sastavni dio ambijentalne cjeline Hadži Sinanove tekije sa Sarač Alijinom džamijom i mezarjem koja odlukom komisije za očuvanje nacionalnih spomenika iz 2005 godine proglašena Nacionalnim spomenikom BiH. Predmet na nekretnine je procesima nacionalizacije institutom stanarskog prava otkupa pravno isključena iz pomenute zaštićene ambijentalne cjeline. Dakle, riječ je o jedinstvenom objektu bosanske duhovnosti i spada u red najvrijednijih spomenika kulturne baštine BiH iz 17. vijeka, ne samo kod nas nego i na Balkanu pa i u svjetskim okvirima. Predlažem da se u budžet Kantona Sarajevo za ovu godinu planira i uvrsti iznos od 150

000KM čime bi Kanton Sarajevo uzeo učešće u zajedničkoj kupovini nekretnine sa gradom Sarajevom u jednakim suvlasničkim dijelovima sa 1/2 ili polovinom prava vlasništva. Grad Sarajevo u svom budžetu za 2019 godinu planirao preostali dio sredstava potrebnih za realizaciju ovog projekta. Smatram da bi Kanton Sarajevo učešćem u realizaciji ovog projekta dao svoj doprinos u čuvanju nacionalnog spomenika i zajednički sa gradom Sarajevo institucionalno zaštitio ovaj kulturno historijski vrijedan objekat od potencijalne devastacije i aktivnosti pojedinih lica u kojem nisu u interesu zaštita i očuvanje vrijednosti objekta. Vraćanje svih objekata u jednu cjelinu i povrat izvornoj namjeni bi obogatio našu turističku ponudu zato uključujem Ministarstvo privrede da pomogne očuvanju valorizacije zaštititi kulturno-historijskog nasljeđa Sarajevo BiH. Jedno pitanje, za Ministarstvo zdravstva informacija o zvaničnom i nezvaničnom radnom vremenu Klinike za Urgentnu medicinu KCUS i odjeljenja za Urgentnu medicinu Opće bolnice Abdulah Nakaš, dakle na osnovu kojih uredbi je, uredbi ili odluka je na snazi trenutno radno vrijeme?"

Poslanik/zastupnik Elvis Vreto je postavio dva zastupnička pitanja i uputio jednu inicijativu: „Ja danas ima dva pitanja i jednu inicijativu. Prvo pitanje se odnosi Ministarstvu za privredu i Ministarstvu finansija. Zašto se kopije zaključenih ugovora o dodjeli koncesije ili zbirna specifikacija ne dostavlja općinama kako bi iz te mogli kvalitetnije planirati prihode u budžetima kao i imati transparentan uvid o zaključenim koncesionim ugovorima od strane Kantona uz prethodno datu saglasnost lokalne zajednice u provođenju postupka dodjele? Tražim od Vlade nadležnih ministarstava da tu praksu prekinu i da općinama u Kantonu Sarajevo dostave podatke o zaključenim ugovorima o koncesijama. Obzirom da lokalnim zajednicama pripada 60% sredstava od prihoda, na osnovu dodijeljene koncesije potrebne je iste redovno informisati a najmanje jednom godišnje dostavljati specifikaciju o realizaciji ugovora o koncesijama sa svim potrebnim podacima o prihodima i kontroli provođenja koncesionog ugovora. U prethodnom periodu na zahtjev od dostavljanju podataka općine su se u većim slučajevima, u većini slučajeva ignorisane i nisu dobijale potrebne podatke. Smatram jako važnim da se ova praksa zaustavi i da općine od strane Kantona treba da imaju sve potrebne informacije po ovom pitanju. Drugo pitanje se odnosi za Ministarstvo privrede. Svjestan činjenice da su kolege u Vladi tek preuzele ovo Ministarstvo ali bi volio da ovaj dio naprave jednu analizu i dostave, a evo pitanja, zašto ni za 8 godina od pokretanja izrade elaborata zaštita Izvorište Sarajevsko polje nije donešena odluka o zaštiti izvorišta kao temeljni dokument za kvalitetno upravljanje, a za pripremu smo uložili više stotina hiljada KM? Da li su izmjene Člana 43 Zakona o vodama Kantona Sarajevo iz 2010g omogućavaju Kantonu Sarajevu, donošenje odluke koje su objavljena u Službenim novinama 43/16 pa ako to omogućava zašto do danas nema odluke o zaštiti? Zašto do danas nema Odluke o zaštiti? Uvidom u Član 43 Zakona o vodama koji je izmijenjen Članom 1 Izmjenama i dopunama zakona o vodama Kantona Sarajevo vidljivo je da samo Vlada Kantona Sarajevo dobila pravo za podnošenje prijedloga dok je i dalje nadležnost utvrđena neizmijenjenim Članom 42. Obzirom da je poznato da se zone protežu i u drugi entitet a što je utvrđeno elaboratom nadležnost po mom mišljenju pripada Vladama FBiH i RS-a. A na osnovu Člana 68. Zakona tačka 5 Zakona o vodama Federacije („Službene novine“ 70/06), kao i Člana 66”. Dakle ako postoji nadležnost, onda obzirom na čin da je prošlo dvije godine od izmjena zakona, sigurno postoji odgovornost za provođenje agonije. Molim pismeni odgovor na oba pitanja. Inicijativu koju sam mislio podnijeti ću u pisanoj formi, prije svega da je odgovor decidan i potkrijepljen dokazima, jer se radi o egzistencijalnom pitanju za građane Kantona Sarajevo.”

Poslanik/zastupnik Aljoša Čampara postavio je jedno zastupničko pitanje i uputio dvije inicijative:

„Imam jedno zastupničko pitanje i dvije inicijative. Pitanje se odnosi, odnosno upućujem ga ministrici zdravstva u Vladi KS. Dakle ono glasi Šta je sa moratorijem za zapošljavanjem u

sektoru zdravstva koji se na pitanje zapošljavanja specijalizanata u zdravstvenim ustanovama KS , jer znamo da je zdravstvo jedan od najbitnijih segmenata društva i smatram da nemamo vremena uvoditi moratorij na tu kategoriju jer su konkursi već raspisani i u završnoj fazi a postoji velika potreba za prijem istih koji će liječiti naše građane jer u protivnom ti mladi ljekari će otići u druge kantone ili u druge zemlje i naći sebi posao ? To je bilo pitanje sada inicijativa .Zastupnička inicijativa ,imajući u vidu činjenicu da je obrazovanje najvažnija razvojna komponenta svakog društva , podnosimo inicijativu izrade Zakona o porijeklu i validnosti stečenih diploma u skladu sa važećim zakonima u sektoru obrazovanja za sve izabrane imenovane dužnosnike u Kantonu Sarajevo , kao i direktore i članove upravnih i nadzornih odbora svih javnih preduzeća , ustanova , direkcija u Kantonu Sarajevo. Cilj zakona je da se putem inspekcijskog nadzora iz transparentnog uvida javnosti predoči činjenično stanje u vezi sa stečenim diplomama onih koji su zaduženi za zakonodavne ,izvršne procese u Kantonu Sarajevo. Kompletan proces mora biti implementiran od strane nadležnog Ministarstva inspekcijskih organa uz puni uvid Nadležne Skupštinske komisije za obrazovanje i redovno izvještavanje Skupštine KS i kompletne javnosti . Istovremeno tražimo da dokaz validnosti bude uvjet za bilo koje imenovanje od strane Vlade ili Skupštine KS. Rezultati kontrole će dati odgovore na nekoliko ključnih pitanja ,kao što su , da li je izabrani odnosno imenovani dužnosnik pohađao nastavni proces u skladu sa zakonom i nastavnim planom i programom , da li je ispunio sve semestralne obaveze u vezi sa predavanjima i vježbama u skladu sa nastavnim planom i programom te da li je položio ispite u skladu sa propisanim predviđenim rokovima nastavnog plana i programa. I na kraju jos jedna inicijativa , ona se odnosi na izmjenu Zakona o osnovnom odgoju i obrazovanju , odnosno brisanje stava 2 Člana 64 ovoga Zakona , kojim je uređen prijevoz učenika , naime radi se o diskriminirajućoj odredbi gdje jedni učenici imaju pravo na prijevoz a drugi ne , zato što su van školskog područja. Mislim da bi ovo puno značilo za djecu koja recimo idu u osnovnu školu , primjera radi Čengić Vila a putuju sa Ilidže ili sa Bašćaršije ,ali i za učenike drugih osnovnih škola na području KS. Pravne norme koje su sadržane u Članu 64 Stav 1 Zakona o osnovnom odgoju i obrazovanju dale su pravo na besplatan prevoz učenicima koji stanuju na udaljenosti većoj od 2km od škole koju pohađaju. Međutim u slijedećem stavu , konkretnije Stav 2 istog člana ovo je pravo ograničeno ukoliko se učenik upiše u školu. Ova odredba je diskriminatornog karaktera, pogotovo u dijelu u koliko učenik promjeni mjesto prebivališta a nastavi nastavu pohađati u istu školu koja se nalazi izvan školskog područja . U tom slučaju takav učenik je stavljen u nepovoljniji položaj u odnosu na druge učenike koji koriste pravo na besplatan prijevoz, jer idu u istu školu , isti razred a nemaju pravo na besplatan prijevoz. Dakle da ne čitam dalje ovo obrazloženje ja sam se potrudio i pripremio i Nacrt ovoga zakona, tako da ga ministarstvo može koristiti . Dostavit ću sve u pismenoj formi nadležnim službama Skupštine KS”.

Poslanik/zastupnik Igor Stojanović postavio je jedno zastupničko pitanje i uputio jednu inicijativu:

„Imam jednu inicijativu i jedno pitanje. Moja inicijativa će biti upućena Ministarstvu zdravstva , odnosi se na izmještanje Programa metadonske terapije iz objekta u ulici Omera Stupca br.6 , dakle, grupa građana iz okolnih ulica živi u strahu već godinama s obzirom na dešavanja u ovim ulicama i pokrenuli su peticiju koju ću također priložiti uz ovu inicijativu .Peticiju je potpisalo 85 građana. Dakle, radi se o ljudima koji dolaze na liječenje, koji prouzrokuju strah kod lokalnog stanovništva s obzirom da se taj Centar nalazi usred naselja. Također znam za obrazloženje od strane struke da ova lica imaju potrebu za socijalizacijom i moj prijedlog je da se ovaj centar izmjesti u domove zdravlja gdje bi oni mogli dobiti adekvatnu uslugu , samim tim i ovaj proces socijalizacije ne bih bio narušen i građani iz ovih okolnih ulica oko Omera Stupca bi konačno mogli pustiti svoju djecu da se slobodno igraju , ne bi morali pratiti supruge jer to je trenutno praksa u posljednjih nekoliko godina kada je ovo naselje u Centru u pitanju. Također priložit ću, rekao sam peticiju uz pismo. Moje pitanje je upućeno Vladi KS i odnosi se na Zakon o

zaštiti i postupanje sa djecom i maloljetnicima u krivičnom postupku. Prije svega, ovo moje pitanje bi moglo biti usmjereno ka ministru MUP-A, a radi se o slijedećem. Ovaj Zakon predviđa preventivne mjere za maloljetnike. Mi, svi građani KS se dobro sjećaju ne tako davnih događaja kada je u pitanju maloljetnička delinkvencija, donešen je zakon gdje krivična djela za maloljetnike izriče tužilaštvo. Odredbu bi trebalo da prati Centar za Socijalni rad, a ovo mjere realizuje policija, škole, javna preduzeća, centri za mentalno zdravlje. Mjere su različite od redovnog pohađanja škole, ličnog izvinjenja, naknade štete oštećenom, rad bez naknade i tako dalje. A najveća mjera je policijsko upozorenje. Moje pitanje je zašto se u Kantonu Sarajevo izrekla samo jedna mjera, protiv jednog lica za tri godine, dok je u Unsko-sanskom kantonu izrečena mjera protiv 26 lica, u Srednjobosanskom protiv 18, Zeničko-dobojskom protiv 37 lica? Znamo da su ovdje ta dešavanja na kraju krajeva dostigla jednu kulminaciju i pogotovo uzimajući u obzir ovaj slučaj Mrnjavac i ostale koje smo imali, u svim drugim kantonima, kao i u RS-u to se radi preventivno. Mene zanima da li mi sad treba opet ovdje da čekamo neka dešavanja? Da li treba ponovo da čekamo neki nemio događaj ili ove bi ove mjere trebali puno brže u cilju preventive da izričemo? To je dakle moje pitanje. Zašto se ne dešava, s obzirom da su obavljene i edukacije tužilaca nekoliko puta, mislim da neefikasnost je na nivou i moramo kao Skupština uraditi nešto na tom planu”.

Poslanik /zastupnik Admela Hodžić postavila je jedno zastupničko pitanje i uputila jednu inicijativu:

A moje pitanje se odnosi na Ministarstvo zdravstva, ustvari, upućeno je ministrici zdravstva. S obzirom da ja evo iz Hadžića sam i vjerovatno ste svi čuli da u Hadžićima u Domu zdravlja vlada jedno haotično stanje u Dispanzeru za predškolsku djecu i u Dispanzeru za školsku djecu i omladinu tu već dugi period dugi niz godina mi bijemo tu bitku i jednostavno se ignorišu naši zahtjevi i apeli i molbe da se tu imenuje i postavi, zaposli stručan kadar. Recimo da se tu zaposle doktori, pedijatri u dvije smjene koji bi radili, poštivali svoje radno vrijeme od 8h pa do 19h kao u drugim domovima zdravlja jer smatramo ako ljekar ne radi puno radno vrijeme da je naše dijete diskriminisano, da je građanin drugog reda, da nema ista prava kao sva ostala djeca. Isto tako, do juče smo imali informaciju da nijedan pedijatar nije radio u Domu zdravlja Hadžići, da su čak neki roditelji angažovali taksiste i plaćali da voze svoju djecu na Ilidžu u Dom Zdravlja, pedijatru. Znaete kakvo je to stanje, kad jedan roditelj, koji mora sam da se snalazi, a vi imate ministarstvo kojem uredno plaćate zdravstveno osiguranje, zaštitu, ja ne znam jel to sad uredu da nam niko ne izađe u javnost i kaže o čemu se tu radi, ako svi znamo da tamo ljekara nema. Isto tako od Dispanzera za školsku djecu i omladinu tu nemamo specijalistu ljekara za školsku djecu, tu radi ili nekada radi doktor opće prakse, nekada radi specijalista porodične medicine, zavisi kako vjerovatno u Ministarstvu imaju slobodnog ljekara na raspolaganju i tog ljekara i angažuju. Dvije smjene svakako ne rade evo već duži period, a eto kažem da juče pedijatar uopće nije radio. Ja molim ministricu da nam se oglasi po ovom pitanju da nam odmah odgovori jel to je stvarno situacija urgentna i znam da je ministrica nedavno preuzela dužnost i da ne mogu se određeni problemi riješiti preko noći, ali evo ja je molim da sve učini da mi što prije, da dođu do rješenja i da nađu ljekare koji će raditi. Znači pedijatre u dvije smjene u Hadžićima i ljekare u dvije smjene, specijaliste školske medicine. Hvala lijepo, to je pitanje za ministricu zdravstva. A inicijativu evo upućujem Ministarstvu saobraćaja da se uvedu nove linije autobuske od mjesta Vuković koje je najudaljenije opštine Hadžići do Bašćaršije. Evo ja ću samo kratko, znači obrazloženje, samo da se prilagodi prijevoz stvarnih potrebama građana”.

Poslanik /zastupnik Zvonko Marić je postavio dva zastupnička pitanja:

Dakle, u proteklom periodu građani su bili kao i obično u ovo vrijeme zabrinuti zbog najave povećanja cijene gasa. Osim što to udara na njihov kućni budžet, znamo kolik gas igra važnu ulogu, što se tiče zagađenja zraka, s toga molim da mi se odgovori na slijedeća pitanja, a to su pitanja za Vladu FBiH, Vladu KS, Energoinvest, BH GAS, Sarajevo Gas, da nam prezentiraju

slijedeće informacije u vezi strukture cijene gasa za krajnje potrošače KS, Rusku izvoznju cijenu, cijenu transporta gasa do granice BiH, cijenu transporta gasa od granice BiH preko manjeg BH entiteta do Kantona Sarajevo, iznos carine i PDV-a koji Energoinvest plaća kao uvoznik. Zanima me da li je zapravo, nabavna cijena, berzanska cijena, iznos marže Energoinvesta, iznos marže BH GASA, iznos marže Sarajevo Gasa, jer smatram da u ovom lancu nabavljača, dobavljača i distributera imaju najmanje dva parazitska poduzeća Molim, dakle sve ovo subjekte da nam dostave cijenu gasa i nadam se da se neće pozivati na to da je poslovna tajna, jer to su javna poduzeća, prema tome problem je javni za građane. U moru apsurdna koji se odnose na Zavod za medicinu rada i svojevrskih isčaušenosti, evo ja bih samo pomenuo nekoliko stvari da mi se odgovori n pitanje kako je moguće da član Upravnog odbora i radnik ove Ustanove Sarajeva Samir Čovrk sa bivšim sekretarom Midhatom Mehmedovićem, a u dogovoru sa ponuđačem u postupku nabavke medicinske opreme i to dva aparata, po instrukciji ponuđača sačini specifikacije, time istog favorizira pri izboru ponuđača i naveo sam ovdje koji su članovi prekršeni, to ću dostaviti u pisanoj formi. A također interesuje me zbog čega, kod angažovanja advokata Vedrana Gavranovića od strane zavoda nije ispoštovan plan javnih nabavki zavoda za tu godinu? I postupak nije proveden u skladu sa istim što je bila zakonska obveza. Prema tome opet je tu protivzakonitost u pitanju i također jedno od svojevrskih apsurdna je što, recimo nakon odlaska Midhata Mehmedovića sa pozicije sekretara Zavoda na njegovo mjesto dolazi izvjesna Amra B. zbog čega se donosi novi pravilnik, gdje se parcijalno primjenjuje Zakon o namještenicima u organima državne službe FBiH, i to izvrnuti član 31 Stav 1 a sve da bi se uslovi za to radno mjesto prilagodili naprijed navedenoj osobi, pa tako sad u Pravilniku Zavoda imamo poseban uslov za sekretara ustanove, pravosudni ispit i stručni ispit, molim da mi se objasni kako manje može značiti više, i ovdje ima još par stvari. U sezoni prehlada i gripa građani u Kantonu Sarajevo nisu mogli raditi kompletni nalazi krvi jer je u domovima zdravlja došlo do nestašice reagense za nalaze koji su potrebni. Da li građani, da mi se sad usmeno odgovori, koji su navedene analize krvi morali raditi na privatnim klinikama, imaju pravo da traže povrat novca od Zavoda zdravstvenog osiguranja KS, s obzirom da građani redovno, mjesečno, od svojih plaća izdvajaju pozamašne novce za zdravstveno osiguranje? Molim ministricu da mi odgovori”.

Poslanik/zastupnik Neira Dizdarević je postavila dva zastupnička pitanja:

„Ja za danas imam dva zastupnička pitanja koja upućujem Ministarstvu zdravstva kantona Sarajevo. Prvo pitanje glasi da li je tačna informacija da Zavod za Hitnu medicinsku pomoć KS ukida postojeći rendgen aparat? Prema mojim saznanjima postojeći rendgen aparat, kupljen je 2003 godine i dnevno je radio preko stotinu ekspozicija, odnosno snimaka. I iako Zavod nije imao radiologa koji bi čitao te snimke, ima naravno ljekare Urgentne medicine, i ljekara Opće prakse koji su znali prepoznati teža i lakša stanja pacijenta i shodno tome upućivati na kućno liječenje odnosno hospitalizaciju u drugu ustanovu. Radiološki tehničari koji su radili na pomenutom rendgen aparatu su novom sistematizacijom raspoređeni na mjesto portira te su pokrenuli sudske tužbe. Molim pismeni odgovor na pitanje, naravno uz napomenu da je stav zdravstvenog stanja Naše stranke, da je Hitna medicinska pomoć zdravstvena ustanova kojoj je neophodan rendgenski aparat radi brže detekcije povreda oboljenja i brže trijaže pacijenta. Moje drugo pitanje takođe upućeno Ministarstvu zdravstva odnosi se na inicijativu Naše stranke koja je usvojena 2018.godine, naravno, nakon duže borbe nevladinog sektora i udruženja. Usvojena inicijativa, dakle Zavod zdravstvenog kantona Sarajevo, je uvrstio u posebne programe zdravstvene zaštite, terapiju za oboljele od Celijakije, odnosno poremećaja koji obilježava trajna nepodnošljivost glutena. Podsjećanja radi, oboljelim od celijakije, potreban je selektivan režim prehrane koji podrazumjeva isključivanja svih namirnica koji sadrže i najmanju količinu glutena. Osobe oboljele od celijakije, dobijaju 10 kg bezglutenskog brašna mjesečno na recept. S obzirom da je procedura podjela brašna koja u ovom slučaju predstavlja lijek za ove pacijente poprilično komplikovana i neefikasna. Oboljele osobe trebaju prvo uzeti uputnicu od porodičnog ljekara,

zatim otići na Klinički Centar, odnosno Pedijatrijsku Kliniku ukoliko se radi o oboljelom djetetu gdje im opet ljekari propisuju recepte na bazi kojih oni odlaze u apoteku i podižu svoje količine brašna. S obzirom da je tek podijeljeno brašno za mjesec august i ovih dana treba se dijeliti količina za septembar, molimo Ministarstvo zdravstva da preispita ove procedure i po mogućnosti skрати i ubrza. Ostalo ću predati u pismenoj formi da ne oduzimam vrijeme”.

Poslanik/zastupnica Vildana Bešlija je uputila dvije zastupničke inicijative:

„Ja ću pročitati dvije inicijative za koje ću tražiti pismeno izjašnjenje znači za obje a ostalo ću predati u pismenoj formi. Prva inicijativa je upućena Ministarstvu saobraćaja KS, a znači to je inicijativa za uvođenje taksi vozila prilagođenih osobama sa invaliditetom. Naime ova inicijativa je potekla upravo od osoba sa invaliditetom koji su prije izvjesnog vremena tražili mogućnost uvođenja vozila koja će biti njima prilagođena, te ukoliko želimo kanton koji je po mjeri svih njeni građana smatram da ova inicijativa treba biti što prije realizovana. Takođe smatram da licence ove vrste prilikom izdavanja trebaju biti jasno definisane i apsolutno na raspolaganju osobama sa invaliditetom kako ne bi bilo eventualnih zloupotreba. Poređenja radi, Banja Luka već dvije godine ima taxi službu za prevoz osoba sa invaliditetom. Druga inicijativa je također upućena Ministarstvu saobraćaja Kantona Sarajevo. Odnosni se na provjeru stanja ispravnosti postavljenih uređaja za zvučnu signalizaciju na području Kantona Sarajevo i mogućnosti adekvatne zaštite protiv oštećenja. Na osnovu intervencije građana, posebno Novog Sarajeva, dobila sam informaciju da određeni broj uređaja za zvučnu signalizaciju je u neispravnom stanju. Smatram da ne treba napominjati kako je ispravnost ovih uređaja od izuzetne važnosti te tražim hitno djelovanje”.

#### **Dopredsjedavajući Vibor Handžić je postavio dva zastupnička pitanja i uputio dvije inicijative:**

„Imam dva pitanja i dvije inicijative i bit ću sigurno zadržat ću se u vremenski okvirima koji su mi dozvoljeni. Dakle prva dva pitanja imam upućena upućujem prema Ministarstvu zdravstva Kantona Sarajevo. Dakle prvo molim da mi se dostavi informacija o trenutnom broju radnih timova ljekara specijalista porodične medicine i medicinskih tehničara koji rade u ambulantama porodične medicine na području Kantona Sarajevo a koje su finansirane sredstvima iz fonda Zavoda zdravstvenog osiguranja Kantona Sarajevo. Informacija mi je potrebna za svaku ambulantu a također me zanima to da li je trenutno stanje u skladu sa važećim standardima i normativima primarne zdravstvene zaštite u FBiH. Da ne čitam sad obrazloženje. Drugo pitanje, interesuje me informacija o trenutnom stanju i funkcionalnosti telefonske centralne u organizacionoj jedinici DZ Stari Grad. Prema mojim informacijama ono je u izuzetno lošem stanju i ne funkcioniše najbolje što stvara ogroman problem i pacijentima i osoblju DZ. Imam dvije inicijative. Prva se nadovezuje na moju inicijativu sa 1. Radne sjednice gdje sam uputio dakle inicijativu prema Ministarstvu za komunalnu privredu i infrastrukturu da se obrati pažnja prilikom zimskog održavanja posebno lokalnih cesta koje posjeduju ceste koje se nikako ne održavaju, snijeg se ne čisti. S obzirom da brojne jedinice lokalne samouprave izdvajaju ogromna sredstva iz svog budžeta za subvencije JKP „Rad“ za zimsko održavanje puteva, pa ću pročitati slijedeću inicijativu. Molim Ministarstvo komunalne privrede i infrastrukture da zimskoj službi KJP“ Rad „naloži čišćenje snijega na području Kampusu Univerziteta u Sarajevu u ul. Zmaja od Bosne. Imam informacije dakle da ove zime Kampus Univerziteta u Sarajevu, gotovo cijelom svojom površinom prekriven sa nekoliko slojeva leda i snijega. Sve organizacione jedinice fakulteta i institucije smještene u Kampusu su organizovale čišćenja snijega ispred ulaza u svoje zgrade, no ostatak površine Kampusu prekriven je snijegom i ledom što zaista otežava kretanje studentima i studenticama, ali i nastavnom i drugom kadru koji svakodnevno boravi u Kampusu. I posljednju inicijativu upućujem Ministarstvu saobraćaja. Minibuska polazna i dolazna stanica na Baščaršiji da se uradi barem tako da kažem signalizacija da se tačno označi gdje ljudi treba da čekaju gdje tačno stoje minibusi. Zato što tamo vlada potpuni kaos. Pogotovo u ovom periodu kada je Centrotans preuzeo odnosno obavljanje

određenih minibuskinih linija za padinske dijelove. Tamo se nalazi taxi stajalište. Dakle ogroman je problem i sigurnosti ljudi i često se dešava kolaps u saobraćaju i često se ljudi nelegalno parkiraju i dugotrajnije zadržavaju na tom mjestu. Pa samo da se signalizacijom tačno uredi gdje šta stoji i kako treba da bude”.

**Poslanik/zastupnik Damir Nikšić uputio je jednu zastupničku inicijativu:**

„Znači ja ima inicijativu za izmjenu Zakona o osnovno odgoju i obrazovanju. Pokrećem inicijativu za izmjenu teksta člana 7. Upotreba jezika i pisma u nastavi stav 1 ,Zakona o osnovnom odgoju i obrazovanju koji trenutno glasi:“Nastava i drugi oblici odgojno obrazovnog rada u školi izvode se na jednom od tri zvanična jezika konstitutivnih naroda Bosne i Hercegovine koji se imenuju jednim od tri naziva bosanski jezik, hrvatski jezik i srpski jezik“.Predlažem da se tekst člana 7 Stav 1 promjeni tako da njegov sadržaj bude slijedeći. Nastava i drugi oblici odgojno obrazovanog rada u školi izvode se na tri službena jezika Kantona Sarajevo, bosanski jezik, hrvatski jezik i srpski jezik. Obrazloženje. Tekst aktuelnog zakona nije dosljedan članu 5 a stav 1 Ustava kantona koji je identičan članu 6 stav 1 Ustava Federacije BiH, a koji glasi:“ Službeni jezici u kantonu ili Federaciji su bosanski jezik, hrvatski jezik, i srpski jezik a službena pisma su latinica i ćirilica.“ Uzimajući u obzir da definicija zvanični jezici konstitutivnih naroda ne postoji u Ustavu FBiH , kao ni u Ustavu Kantona Sarajevo. Smatram da terminologiju tekst Zakona o osnovnom odgoju i obrazovanju treba uskladiti sa terminologijom i tekstom koji se koristi u Ustavima FBiH i Kantona Sarajevo. Tekst Zakona takođe treba uskladiti sa principom ravnopravnosti službenih jezika koji se po Ustavu Kantona Sarajevo i Ustavu FBiH koriste ravnopravno i bez diskriminacije u svim državnim institucijama u koje spadaju odgojne i obrazovne institucije Kantona Sarajevo. Djeca u odgojnim i obrazovnim institucijama Kantona Sarajevo, ne samo da imaju pravo ,već su dužni poznavati tj. biti podučavani na svim službenim jezicima Kantona i FBiH. Aktuelni Stav 1 Člana 7 Zakona o osnovnom odgoju i obrazovanju koji propisuje izvođenje nastave i drugih oblika odgojno-obrazovnog rada samo na jednom jeziku nije u duhu Ustava FBiH, kao ni u duhu Ustava KS , već u suprotnosti s njima. Pozivam se i na zvanični Stav misije OSCE-a koja je u protekle dvije godine u više navrata upozoravala ovu Skupštinu i Vladu KS da izvođenje nastave isključivo na jednom od tri službena jezika nije u skladu sa principima jednakosti , te da pravna formulacija navedena u Zakonu o osnovnom obrazovanju KS nije prihvatljiva niti u skladu sa okvirnim Zakonom o osnovnom i srednjem obrazovanju BiH pod navodnicima „to je njihov navod“ da opet citiram“ puna provedba pomenute pravde odredbe i zakona na osnovu koje je izdata instrukcija, može dovesti do potpune segregacije djece u KS, što ne doprinosi procesu pomirenja“, naglašavajući da je, opet citiram „ od ključnog značaja napraviti razliku između izvođenja nastave na jednom od jezika i učenja i imena samog jezika“ .Ovo ću na ruke predsjedavajućem. To je inicijativa”.

**Poslanik/zastupnik Mahir Dević je postavio dva zastupnička pitanje:**

„Kratko pitanje radi principijelnost, na jednoj od prethodnih Skupština ovdje smo čuli salvu kritika na račun finansijskih sredstava koja su se nalazila u kabinetu Premijera KS. Pitanje glasi, ministar finansija da odgovori koliko je tačno planirano povećanje na pozicijama Kabineta premijera, i Kabineta predsjedavajućeg Skupštine KS u odnosu na nacrt i prijedlog koji ste nam dostavili u materijalu, a koju je usvojila Vlada, koliko tačno, u novcima je izvršeno to povećanje na poziciji, na Kabinetu premijera i na Kabinetu predsjedavajućeg Skupštine KS. To je prvo pitanje. Drugo pitanje je vezano za Ministarstvo saobraćaja, a tamo postoji jedna pozicija koja se zvala transferi općinama, prije svega mislilo se na manje razvijene općine u Kantonu Sarajevo,Vogošća, Hadžići, Ilijaš i Trnovo. Ta stavka je tamo iznosila 1 500 000 KM i u Prijedlogu budžeta je sada 1 000 000 KM. Jako dobro znate da mi kao Kanton Sarajevo se zadužujemo ,dižemo kredite za izgradnju longitudinala, transverzala i da otprilike nekih 350-400 KM je svaki građanin Kantona Sarajevo zadužen po glavi stanovnika. Prema tome te kredite vraćaju građani i iz Ilijaša, iz Vogošće iz Hadžića i iz Trnova a ta sredstva su se koristila za

izgradnju lokalnih puteva. Molim obrazloženje od ministra saobraćaja zašto je ta pozicija skinuta. Može i ministar finansija ili premijer nevažno je evo neko od članova vlade, iz prostog razloga što sredstva koja se koriste u Direkciji za ceste KS, ne mogu se koristiti za tu vrstu namjena. Ona se koriste isključivo za kantonalne puteve a ti transferi prema ovim općinama su išli za izgradnju lokalnih ili takozvanih seoskih puteva. Pa mi obrazložite molim Vas zašto je ta stavka sa 1 500 000 KM došla na 1000 KM”.

**Poslanik/zastupnik Samir Suljević:**

„Imam jedno poslaničko pitanje i upućeno je ministrici zdravstva KS. Pošto sam imao nekoliko poziva na ovu temu, želio sam da dobijem tačnu informaciju, te pitam. Da li je tačna informacija da je imenovanje i izbor trenutnog direktora Javne Ustanove Zavod za Hitnu medicinsku pomoć koji je po nelegalno bilo jer je po raspisanom oglasu i konkursnoj proceduri bilo obavezno dostaviti zakonom predviđeni dokumenat to je Certifikat o završenoj edukaciji iz oblasti Zdravstvenog menadžmenta napredni nivo CHC3. Koliko sam upoznat kompletna konkursna procedura i navedeno imenovanje nalaze se u Resornom ministarstvu KS a Upravni odbor navedene ustanove je potvrdio ovo imenovanje. Ovaj odgovor mogu dobiti i usmenim i pismenim putem”.

**Poslanik/zastupnik Amel Mekić postavio je jedno zastupničko pitanje:**

„Pitanje za Ministarstvo pravde menadžmenta TV Sarajevo i Kantonalnu upravu za inspeksijske poslove. Da li je tačno da je 11.01.2018.godine na neodređeno primljeno 17 uposlenika bez saglasnosti Vlade KS? Među primljenima uposlenicima nema nekih dugogodišnjih uposlenika, jednostavno raskinut im je ugovor, ali su zato primljeni oni koji su došli nakon njih 2016 i 2017.godine . Među primljenima je i uposlenik u čijem je personalnom dosjeu je nepotpisana diploma od strane rektora i dekana ali je uredno ovjerena u općini. Tražim da mi se dostavi u vidu informacije ,pregled svih zapošljavanja i prekida Ugovora o radu u posljednjih 12 mjeseci. Još jednom da ponovim tražim od Ministarstva pravde i menadžmenta TV Sarajevo i Kantonalne Uprave za inspeksijske poslove da u skladu sa svojim nadležnostima preduzmu mjere i radnje po ovim pitanjima”.

**Poslanik/zastupnik Elvedin Okerić postavio je tri zastupnička pitanja:**

„Imam tri pitanja. Prvo pitanje se odnosi za na Ministarstvo pravde i Kantonalnu upravu za inspeksijske poslove. Uvidom u izvještaj Kantonalne Uprave za inspeksijske poslove za 2017.godinu jasno se vidi da veterinarska inspekcija vrši pregled i nadzor nad krupnom i sitnom stokom u KS. Obzirom da to liči na direktni sukob interesa i da bi veterinarske stanice trebale vršiti pregled a veterinarska inspekcija nadzor, postavljam pitanje da li je to moguće i na osnovu kojeg zakonskog propisa se provode ove aktivnosti. Zatim tražim od veterinarske inspekcije da dostavi izvještaj o brojnom stanju zaraznih bolesti u KS koje se prenosi na ljude i životinje, bruceloza. I koliko je oboljelo krupne i sitne stoke. Pitanje za menadžment „Poljoprivrednog Dobra Butmir“ d.o.o Sarajevo. Da li ste upoznati sa praksom rješavanja stambenih pitanja ranije uprave preduzeća, dijela rukovodećeg kadra i jednog dijela radnika na poljoprivrednom zemljištu PD Butmir, pretvorbom objekata za nužni smještaj u objekte stambenog karaktera uz pokrivanje troškova tih postupaka na račun preduzeća PD Butmir .Da li ste nešto poduzeli po ovom pitanju , i šta ? I treće pitanje se odnosi na Ministarstvo komunalne privrede zbog neodržavanja loše čišćenja snježnih padavina , prilazi terapijskoj zajednici Kampus je otežan , što zadaje muke uposlenicima da dođu do svojih radnih mjesta . Ko je odgovoran za ovakvo stanje, te molim nadležne da hitno omoguće normalan pristup ovoj JU”.

Poslanik/zastupnik Dževad Poturak je postavio jedno zastupničko pitanje i jednu inicijativu:

„Za danas sam pripremio jedno pitanje i jednu inicijativu . Zastupničko pitanje je , znači , okrenut ću se prema Ilidži i sa pitanjem i sa inicijativom . Žao mi je što je naša Velika Aleja u onakvom stanju , zapuštena, neuređena, a može i mora puno bolje. Ovog puta postavljam pitanje

, tražim da mi se odgovori pisanim putem , da se napokon definiše u čijoj je nadležnosti rekonstrukcija Velike Aleje .Tražim da se rekonstrukcija Aleje obavi do kraja Aprila 2019 godine. Rekonstrukcijom i boljim uređenjem na samoj Aleji , omogućeno bi bilo povećanje za skoro 1 000 000KM. Moja zastupnička inicijativa bi glasila, tražim da se definiše status Rimskog mosta na Ilidži , time bi se ovaj historijski spomenik sačuvao od propadanja , jer nejasna nadležnost ugrožava postojanje ovog izdanja. Pokrećem inicijativu da se planski pristupi i omogući kreiranje prikladnih sadržaja koji bi oplemenili taj dio Ilidže, kako bi se pružila kvalitetnija turistička ponuda za posjetitelje. Velika je šteta da ovakvo mjesto propada, i mislim da zajedničkim snagama KS i Opštine Ilidža ova se destinacija može i treba srediti u najboljem mogućem obliku”.

**Predsjedavajući Skupštine Elmedin Konaković je pokrenuo jednu zastupničku inicijativu:**

„Ako nema više prijavljenih zastupnika ja bih iskoristio mogućnost da pokrenem jednu inicijativu. Inicijativa je upućena Ministarstvu pravde i uprave, i pokrećem inicijativu za donošenje Uredbe kojom bi se dodatno uredila oblast kontrole javne nabavke u svim institucijama , čiji je osnivač Kanton Sarajevo . Predlažem formiranje stalne komisije ili drugog radnog tijela čiji bi članovi bili predstavnici akademske zajednice nevladinog sektora,vijeća mladih predstavnika opozicije i eksperata iz oblasti javnih nabavki. Uz postojeći Registar javnih nabavki stalna kontrola i nesmetan pristup svim informacijama doprinijet će značajnom smanjivanju koruptivnih radnji u KS”.

Potom je predsjedavajući pozvao ministre da daju usmene odgovore zastupnicima koji su ih tražili. Iste su dali ministri: *Lejla Brčić, Zineta Bogunić, Adnan Šteta i premijer Edin Forto.*

Zatim se prešlo na realizaciju druge tačke dnevnog reda.

**AD – 2.**

**PRIJEDLOG ZAKONA O PLAĆAMA I NAKNADAMA U ORGANIMA VLASTI U KANTONU SARAJEVO**

Predsjedavajući je napomenuo da su zastupnici Prijedlog zakona dobili uz poziv za sjednicu.

Uvodne napomene podnijela je ministrica pravde i uprave Lejla Brčić.

Nakon uvodnih napomena otvoren je prostor za pitanja po ovom Prijedlogu zakona, i prvi prijavljeni zastupnik je bio Mirza Čelik, nakon njega za pitanje su se prijavili i Damir Marjanović, Aljoša Čampara, Damir Nikšić, Fahrudin Pecikoza,

Odgovore na pitanja zastupnika dala je ministrica pravde i uprave Lejla Brčić.

U diskusiji koja je uslijedila nakon obraćanja ministrice pravde i uprave učestvovali su Aljoša Čampara, Fahrudin Pecikoza, Mirza Čelik, Vildana Bešlija, Mahir Dević, Segmedina Srna Bajramović, Igor Stojanović, Zvonko Marić, Jasmina Bišćević Tokić, Elmedin Konaković, Mahir Dević je predložio zaključke. Konaković predložio zaključke, Jasna Duraković, Vitor Handžić,

**NAKON OBRAĆANJA PREMIJERA EDINA FORTE PREDSJEDAVAJUĆI JE POZVAO ZASTUPNIKE DA PRISTUPE IZJAŠNJAVANJU O PRIJEDLOGU ZAKLJUČAKA KLUBA SDA, KAKO SLIJEDI:**

Prvi zaključak: „Predlaže se poslanicima koji budu izabrani u Dom naroda Parlamenta FBiH iz Kantona Sarajevo a koji svoj posao budu obavljali profesionalno da ne koriste pravo na stalno mjesečno novčano primanje paušala”, izglasan je jednoglasno (30 „ZA”).

Drugi zaključak: „Predlaže se Vladi KS da u hitnim izmjenama Zakona o plaćama i naknadama organa vlasti KS izvrši umanjenje plate ministrima u visini od 300KM , te da sredstva ušteđena po oba ova zaključka budu proslijeđena izgradnji Roditeljske kuće”, nije dobio potrebnu većinu (8 „ZA” i 21 „SUZDRŽAN”).

Potom je premijer pozvao zastupnike da se izjasne o Prijedlogu zakona o plaćama i naknadama u organima vlasti u Kantonu Sarajevo .

NAKON IZJAŠNJAVANJA KONSTATOVANO JE DA JE SKUPŠTINA (22 „ZA” i 1 „PROTIV”, 8 „SUZDRŽANIH”) DONIJELA OVAJ ZAKON.

Treća tačka dnevnog reda.

### **AD – 3.**

#### **NACRT ZAKONA O PRIJAVLJIVANJU, UTVRĐIVANJU PORIJEKLA I KONTROLI IMOVINE IZABRANIH I IMENOVANIH DUŽNOSNIKA, NOSILACA IZVRŠNIH FUNKCIJA I SAVJETNIKA U KANTONU SARAJEVO**

Nacrt su zastupnici dobili uz poziv za sjednicu.

Uvodne napomene podnijela je ministrica pravde i uprave Lejla Brčić.

Pitanja po ovom Nacrtu postavili su sljedeći zastupnici: Aljoša Čampara, Mahir Dević, Jasmina Bišćević Tokić, Zvonko Marić, Igor Stojanović, Samra Čosović-Hajdarević, Admela Hodžić, Damir Nikšić.

Odgovore na pitanja zastupnika dali su: premijer Edin Forto i ministrica pravde i uprave Lejla Brčić.

U diskusiji koja je uslijedila nakon obraćanja ministrice pravde i uprave učestvovali su zastupnici: Aljoša Čampara, Jasmina Bišćević -Tokić, Mahir Dević, Samir Suljević, Damir Nikšić, Elvedin Okerić, Segmedina Srna Bajramović, Zvonko Marić, Damir Marjanović, Elmedin Konaković, Igor Stojanović.

Predsjedavajući je zaključio raspravu i predložio da Skupština po Nacrtu Zakona o prijavljivanju, utvrđivanju porijekla i kontroli imovine izabranih i imenovanih dužnosnika, nosilaca izvršnih funkcija i savjetnika u Kantonu Sarajevo donese sljedeće Zaključke:

1. Utvrđuje se Nacrt zakona o prijavljivanju i utvrđivanju porijekla i kontroli imovine izabranih imenovanih dužnosnika nosilaca izvršnih funkcija i savjetnika u KS .
2. Javna rasprava održat će se u kantonalnim organima jedinica lokalne samouprave naučnim i stručnim ustanovama i trajat će 60 dana.
3. Primjedbe , sugestije, prijedlozi zastupnika i mišljenja radnih tijela Skupštine, dostavljaju se Vladi KS, koja organizuje i provodi javnu raspravu.
4. Vlada KS je dužna da nakon provedene javne rasprave podnese Skupštini izvještaj o rezultatima javne rasprave koji sadrži primjedbe, prijedloge i mišljenja kao i da da

obrazloženje razloga zbog kojeg pojedine primjedbe, prijedlozi i mišljenja nisu prihvaćeni u pripremi Prijedloga zakona o prijavljivanju i utvrđivanju porijekla i kontroli imovine izabranih imenovanih dužnosnika nosilaca izvršnih funkcija i savjetnika u KS.

ZASTUPNICI SU PRISTUPILI IZJAŠNJAVANJU I NAKON GLASANJA KONSTATOVANO JE DA JE SKUPŠTINA JEDNOGLASNO (30 „ZA”) DONIJELA OVE ZAKLJUČKE.

Predsjedavajući je dao petominutnu pauzu u kojoj su se predsjednici klubova dogovorili da će se na današnjem zasjedanju razmatrati tačke do Izvještaja JKP, te uputio izvinjenje ostalim direktorima koji su čekali u sali cijeli dan. Obavijestio je prisutne da je nastavak zakazan za 24.01.2019.godine, sa početkom rada u 9,30 sati.

Četvrta tačka dnevnog reda:

#### **AD – 4.**

#### **PRIJEDLOG ODLUKE O DAVANJU SAGLASNOSTI NA IZVJEŠTAJ O RADU SA FINANSIJSKIM IZVJEŠTAJEM KANTONALNE AGENCIJE ZA PRIVATIZACIJU SARAJEVO ZA 2017. GODINU**

Prijedlog odluke su zastupnici dobili uz poziv za sjednicu.

Uvodne napomene je iznio direktor Kantonalne agencije za privatizaciju Sejo Hodžić.

Pitanja po ovom Prijedlogu odluke postavio je zastupnik: Zvonko Marić.

Zatim je predsjedavajući otvorio prostor za diskusije u kojima su učestvovali zastupnici: Vitor Handžić i Segmedina Srna Bajramović.

Nakon diskusija predsjedavajući je pozvao zastupnike da pristupe izjašnjavaju o Prijedlogu odluke o davanju saglasnosti na Izvještaj o radu sa Finansijskim izvještajem Kantonalne agencije za privatizaciju za 2017.godinu.

NAKON IZJAŠNJAVANJA KONSTATOVANO JE DA SKUPŠTINA NIJE DONIJELA ODLUKU (12 „ZA”, 12 „PROTIV”, 5 „SUZDRŽANIH”, 1 „NIJE GLASAO”).

#### **AD- 5**

#### **PRIJEDLOG ODLUKE O DAVANJU SAGLASNOSTI NA NACRT UGOVORA O ZAJEDNIČKOJ IZGRADNJI KOMPLEKSA OBJEKATA, SPORTSKO REKREATIVNI CENTAR SA OTVORENIM BAZENOM I PRATEĆIM SADRŽAJEM I PLATFORMOM IZNAD RIJEKE DOBRINJE IZMEĐU KANTONA SARAJEVO-MINISTARSTVA KULTURE I SPORTA KANTONA SARAJEVO I ZAVODA ZA IZGRADNJU KANTONA SARAJEVO SA JEDNE STRANE I OPĆINE NOVI GRAD SARAJEVO S DRUGE STRANE**

Prijedlog odluke su zastupnici dobili uz poziv za sjednicu. Ministar kulture i sporta Mirvad Kurić je dao uvodno obrazloženje.

Nije bilo prijavljenih zastupnika za pitanja ili diskusije.

Predsjedavajući je pozvao na izjašnjavanje o *Prijedlogu odluke o davanju saglasnosti na Nacrt ugovora o zajedničkoj izgradnji kompleksa objekata sportsko rekreativni centar sa otvorenim bazenom i pratećim sadržajem platformom iznad rijeke Dobrinje između Kantona Sarajevo, Ministarstva kulture i sporta KS i Zavoda za izgradnju KS sa jedne strane i općine Novi Grad Sarajevo sa druge strane.*

NAKON IZJAŠNJAVANJA KONSTATOVANO JE DA JE SKUPŠTINA VEĆINOM GLASOVA (29 „ZA”, 0 „PROTIV”, 0 „SUZDRŽANIH”, 1 „NIJE GLASAO”). DONIJELA ODLUKU.

#### **AD-6**

- a) **PRIJEDLOG ODLUKE O POTVRĐIVANJU RAZRJEŠENJA PREDSJEDNIKA I ČLANOVA SKUPŠTINE JAVNOG PREDUZEĆA „TELEVIZIJA KANTONA SARAJEVO“ D.O.O. SARAJEVO**
- b) **PRIJEDLOG ODLUKE O POTVRĐIVANJU IMENOVANJA VRŠILACA DUŽNOSTI PREDSJEDNIKA I ČLANOVA JAVNOG PREDUZEĆA „TELEVIZIJA KANTONA SARAJEVO“ D.O.O. SARAJEVO**

Predsjedavajući je predložio da se o prijedlozima odluka obavi jedinstvena rasprava, a izjašnjavanje pojedinačno.

Skupština usvojila ovaj prijedlog.

Uvodne napomene podnijela je ministrica pravde i uprave Lejla Brčić.

Pitanje je postavio zastupnik Mahir Dević, a odgovorio je predsjedavajući Elmedin Konaković. Nije bilo prijavljenih za diskusiju.

a)

Predsjedavajući je pozvao zastupnike na izjašnjavanje o *Prijedlogu odluke o potvrđivanju razrješenja predsjednika i članova skupštine Javnog preduzeća TV KS d.o.o. Sarajevo.*

NAKON IZJAŠNJAVANJA KONSTATOVANO JE DA JE SKUPŠTINA JEDNOGLASNO DONIJELA OVU ODLUKU (30 „ZA”).

b)

Predsjedavajući je pozvao zastupnike na izjašnjavanje o *Prijedlogu odluke o potvrđivanju imenovanja vršilaca dužnosti predsjednika i članova Javnog preduzeća TV KS d.o.o Sarajevo.*

NAKON IZJAŠNJAVANJA KONSTATOVANO JE DA JE SKUPŠTINA VEĆINOM GLASOVA (22 „ZA” I 8 „SUZDRŽANIH”) DONIJELA OVU ODLUKU .

#### **AD – 7.**

**PRIJEDLOG ODLUKE O DAVANJU SAGLASNOSTI ZA ZAKLJUČENJE ANEX-A BR.1.NA OSNOVNI UGOVOR O ZAKUPU POSLOVNOG PROSTORA BROJ: 0203-13-990 OD 28.09.2017. GODINE, IZMEĐU UGOVORNIH STRANA: KLINIČKOG**

**CENTRA UNIVERZITETA U SARAJEVU KAO ZAKUPODAVCA I KANTONA SARAJEVO (MINISTARSTVA ZA RAD, SOCIJALNU POLITIKU, RASELJENA LICA I IZBJEGLICE, MINISTARSTVA ZDRAVSTVA I KANTONALNE JAVNE USTANOVE “DOM ZA SOCIJALNO ZDRAVSTVENO ZBRINJAVANJE OSOBA SA INVALIDITETOM I DRUGIH OSOBA”), KAO ZAKUPCA.**

Prijedlog odluke su zastupnici dobili kao dopunski materijal.

Uvodne napomene u ime Predlagača podnio je ministar za rad, socijalnu politiku, izbjegla i raseljena lica Malik Garibija.

Pitanja su postavili zastupnici: Mahir Dević, Zvonko Marić, Igor Stojanović, Danijela Kristić i Damir Nikšić, a odgovore je dao ministar Malik Garibija.

U otvorenoj diskusiju učešće su uzeli zastupnici Igor Stojanović, Zvonko Marić, Bilsena Šahman i Elmedin Konaković.

*Predsjedavajući je pozvao na izjašnjavanje o Prijedlogu Odluke o davanju saglasnosti za zaključenje Aneksa br.1 na osnovni Ugovor o zakupu poslovnog prostora broj kao što stoji u materijalima od 28.9.2017godine. Između ugovornih strana Kliničkog Centra Univerziteta u Sarajevu kao zakupodavca i Kantona Sarajevo, Ministarstvo za rad i socijalnu politiku i raseljena lica i izbjeglice , Ministarstvo zdravstva i Kantonalne JU Dom za socijalno zdravstveno zbrinjavanje osoba sa invaliditetom i drugih osoba kao zakupca.*

NAKON IZJAŠNJAVANJA KONSTATOVANO JE DA JE SKUPŠTINA VEĆINOM GLASOVA (29 „ZA” I 1 „NIJE GLASAO”) DONIJELA OVU ODLUKU.

**AD – 8.**

**IZVJEŠTAJ O IZVRŠAVANJU BUDŽETA KANTONA SARAJEVO ZA PERIOD OD 01.01. DO 31.12.2017. GODINE**

Izvještaj su zastupnici dobili uz poziv za sjednicu.

Uvodne napomene je dao ministar finansija Amel Kovačević.

Nije bilo prijavljenih zastupnika za pitanja ili diskusiju.

*Predsjedavajući je pozvao zastupnike da pristupe izjašnjavanju o Izvještaju o izjašnjavanju Budžeta KS za period za 1.1.-31.12.2017 godine.*

NAKON IZJAŠNJAVANJA KONSTATOVANO JE DA JE SKUPŠTINA VEĆINOM GLASOVA (28 „ZA” I 1 „NIJE GLASAO”) USVOJILO IZVJEŠTAJ.

Predsjedavajući je zaključio sjednicu u 21,15 sati, te najavio nastavak rada 24.01.2019.godine sa početkom u 10,00 sati.

ZAPISNIK IZRADILA  
Lejla Kadrić

## **Z A P I S N I K**

**sa prvog nastavka Treće Radne sjednice Skupštine Kantona Sarajevo,  
održane u srijedu, 24.01.2019. godine sa početkom rada u 10,00 sati**

Predsjedavajući Elmedin Konaković (u daljem tekstu predsjedavajući) je pozdravio sve prisutne i otvorio Prvi nastavak Treće Radnu sjednicu Skupštine Kantona Sarajevo. /HIMNA/

Prema evidenciji Službe, sjednici prisustvuje 26 zastupnika, što je dovoljan broj za punovažan rad i odlučivanje.

Izostanak sa ove sjednice opravdali su: Sabahudin Delalić, Bibija Kerla, Haris Pleho, Mirza Čelik, Damir Marjanović i Amra Hasagić.

Sjednici su prisustvovali poslanici/zastupnici:

#### **SDA - STRANKA DEMOKRATSKE AKCIJE**

1. Jasmina Bišćević-Tokić
2. Samra Čosović-Hajdarević
3. Aljoša Čampara
4. Mahir Dević
5. Admela Hodžić
6. Smiljana Viteškić
7. Hamed Aljović

#### **POLITIČKA ORGANIZACIJA "NAROD I PRAVDA"**

1. Vedran Jakupović
2. Elmedin Konaković
3. Danijela Kristić
4. Amel Mekić
5. Arijana Memić
6. Elvedin Okerić

#### **POLITIČKA ORGANIZACIJA GRAĐANA "NAŠA STRANKA"**

1. Vildana Bešlija
2. Neira Dizdarević
3. Elvis Vreto
4. Vibor Handžić

#### **SOCIJALDEMOKRATSKA PARTIJA BOSNE I HERCEGOVINE**

1. Damir Nikšić
2. Srna Bajramović Srna
3. Igor Stojanović
4. Samir Suljević

#### **SAVEZ ZA BOLJU BUDUĆNOST BIH – FAHRUDIN RADONČIĆ**

1. Jasna Duraković
2. Bilsena Šahman
3. Zvonko Marić
4. Dževad Poturak

#### **DEMOKRATSKA FRONTA**

1. Senad Hasanović
2. Sead Milavica

#### **NEZAVISNA BOSANSKOHERCEGOVAČKA LISTA**

1. Amra Junuzović-Kaljić
2. Fahrudin Pecikoza

Predsjedavajući je podsjetio zastupnike da su na prethodnoj sjednici obradili osam tačaka dnevnog reda te da današnju sjednicu počinju sa devetom tačkom, kako slijedi:

#### **AD – 9.**

### **IZVJEŠTAJ O POSLOVANJU KANTONALNIH JAVNIH KOMUNALNIH PREDUZEĆA ZA 2017G.**

- a.Vodovod i kanalizacija;
- b.Rad;
- c.Pokop;
- d.Tržnice i pijaca;
- e.Toplane Sarajevo;
- f.Sarajevo gas;
- g.Park.

Poslovničku intervenciju imali su zastupnici: Zvonko Marić, Damir Mašić, Aljoša Čampara i Mahir Dević.

Predsjedavajući je predložio a zastupnici prihvatili da se vodi jedinstvena rasprava o izvještajima a izjašnjavanje posebno po svakom izvještaju KJKP.

Uvodne napomene podnio je ministar komunalne privrede i infrastrukture Srđan Mandić.

Nakon toga je predsjedavajući dao riječ direktorima KJKP da ukratko obrazlože Izvještaje o poslovanju i Finansijske izvještaje, i to sljedećim redom: direktorica VIK-a Azra Muzur, Direktor RAD-a Selim Babić, predsjednik Skupštine „POKOP” Sanjin Manjo, direktor „Tržnice-pijace” Terović Jasmin, direktor „Sarajevo-gas” Nihad Glamoč, direktor „Parka” Alen Ramić.

Predsjedavajući je otvorio prostor za pitanja koja su postavili zastupnici: Mahir Dević, Aljoša Čampara, Danijela Kristić, Senad Hasanović, Samra Ćosović-Hajdarević, Samir Suljević, Jasmina Bišćević-Tokić, Admela Hodžić, Zvonko Marić, Elvis Vreto, Vildana Bešlija, Segmedina Srna Bajramović, Jasna Duraković, Hamed Aljović, Vibor Handžić, Neira Dizdarević, Damir Nikšić, Igor Stojanović, Amra Junuzović-Kaljić i Elmedin Konaković.

Zatim su uslijedili odgovori prisutnih predstavnika KJKP i ministra Srđana Mandića.

Predsjedavajući je konstatovao da je uvodni dio trajao četiri i pol sata te je predložio pauzu za ručak što su zastupnici jednoglasno podržali.

U nastavku predsjedavajući je otvorio prostor za diskusije u kojima su učestvovali zastupnici: Senad Hasanović, Vildana Bešlija, Segmedina Srna Bajramović, Zvonko Marić, Aljoša Čampara, Elvis Vreto, Damir Nikšić, Mahir Dević, Jasna Duraković, Mirza Čelik, Samir Suljević, Jasmina Bišćević-Tokić, Igor Stojanović, Dževad Poturak, Bilsena Šahman, Zvonko Marić, Samra Ćosović-Hajdarević.

Zaključivanjem diskusije predsjedavajući je pozvao zastupnike na izjašnjavanje po izvještajima nakon čega je konstatovao:

- a)  
IZVJEŠTAJ O POSLOVANJU KJKP "VODOVOD I KANALIZACIJA" D.O.O. ZA 2017. GODINU NIJE USVOJEN („ZA” 9, „PROTIV” 20 I „SUZDRŽANIH” 1).
- b)  
IZVJEŠTAJ O POSLOVANJU KJKP „RAD“ D.O.O. SARAJEVO ZA 2017. GODINU NIJE USVOJEN („ZA” 9, „PROTIV” 20 I „SUZDRŽANIH” 2).
- c)  
IZVJEŠTAJ O POSLOVANJU KJKP „POKOP“ D.O.O. SARAJEVO ZA 2017. GODINU USVOJEN JE VEĆINOM GLASOVA („ZA” 30, „PROTIV” 1 I „SUZDRŽANIH” 0).
- d)  
IZVJEŠTAJ O POSLOVANJU KJKP „TRŽNICE-PIJACE“ D.O.O. SARAJEVO ZA 2017. GODINU NIJE USVOJEN („ZA” 9, „PROTIV” 6 I „SUZDRŽANIH” 16).
- e)  
IZVJEŠTAJ O POSLOVANJU KJKP „TOPLANE-SARAJEVO“ D.O.O. SARAJEVO. ZA 2017. GODINU NIJE USVOJEN („ZA” 13, „PROTIV” 0 I „SUZDRŽANIH” 18).
- f)  
IZVJEŠTAJ O POSLOVANJU KJKP „SARAJEVOGAS“ D.O.O. SARAJEVO ZA 2017. GODINU NIJE USVOJEN („ZA” 9, „PROTIV” 3 I „SUZDRŽANIH” 18).
- g)  
IZVJEŠTAJ O POSLOVANJU KJKP „PARK“ D.O.O. SARAJEVO ZA 2017. GODINU NIJE USVOJEN („ZA” 13, „PROTIV” 0 I „SUZDRŽANIH” 18).

Deseta tačka dnevnog reda:

#### **AD – 10:**

##### **IZVJEŠTAJ O POSLOVANJU KJP:**

- a) ZA GOSPODARENJE DRŽAVNIM ŠUMAMA "SARAJEVO - ŠUME" D.O.O. SARAJEVO ZA 2017. GODINU;
- b) CENTAR SKENDERIJA D.O.O SARAJEVO;
- c) "ZOI 84" OLIMPIJSKI CENTAR D.O.O. SARAJEVO;
- d) "VETERINARSKA STANICA" D.O.O. SARAJEVO;
- e) "POLJOPRIVREDNO DOBRO BUTMIR" D.O.O. SARAJEVO

Predsjednik Kluba SDA Mahir Dević tražio je pauzu od pola sata u ime Kluba.

U nastavku, zastupnici su podržali („ZA” 24, „PROTIV 0 i SUZDRŽANIH 1) da se vodi objedinjena diskusija po svim izvještajima obzirom da se radi o firmama iz oblasti komunalne privrede, a izjašnjavanje pojedinačno.

U ime Predlagača kratko uvodno izlaganje iznio je ministar Haris Bašić koji je ujedno iz tehničkih razloga povukao Izvještaj o poslovanju KJP Centar „Skenderija”.

Predsjedavajući je dao riječ direktorima KJP da daju kratke uvodne napomene za Izvještaje svojih preduzeća i to redom kako slijedi: Direktor KJP „Sarajevo-šume” Nermin Demirović, Direktor KJP ZOI'84 Alispahić, Direktor KJP „Veterinarska stanica”, direktor PD „Butmir” Elvir Resić.

U pitanjima koja su potom uslijedila učestvovali su zastupnici: Amel Mekić, Danijela Kristić, Elvedin Okerić, Samra Čosović-Hajdarević, Sead Milavica, Jasmina Bišćević-Tokić, Amra

Hasagić, Zvonko Marić, Mirza Čelik, Neira Dizdarević, Smiljana Viteškić, Vedran Jakupović, Admela Hodžić, Segmedina Srna Bajramović, Igor Stojanović, Elmedin Konaković.

Odgovore na postavljena pitanja dali su svi prisutni direktori.

Dopredsjedavajući Vibor Handžić je dao kratku pauzu jer je zastupnik Mirza Čelik upozorio da nema direktnog TV prenosa sjednice, kako bi se utvrdio razlog. Nakon konsultacija predsjedavajući je obavijestio prisutne da je u toku Dnevnik TVSA te je zbog toga pauza u direktnom prenosu sjednice.

U prostoru za diskusije javili su se zastupnici: Elvedin Okerić, Danijela Kristić, Vildana Bešlija, Zvonko Marić, Jasmina Bišćević-Tokić, Elvis Vreto, Mirza Čelik,

Zaključivanjem diskusije predsjedavajući je pozvao zastupnike na izjašnjavanje po izvještajima nakon čega je konstatovao:

a)

IZVJEŠTAJ O POSLOVANJU KJP ZA GOSPODARENJE DRŽAVNIM ŠUMAMA "SARAJEVO-ŠUME" D.O.O. SARAJEVO ZA 2017. GODINU. („ZA” 8, „PROTIV” 21 I „SUZDRŽANIH” 1).

b)

IZVJEŠTAJ O POSLOVANJU KJP "ZOI '84" OLIMPIJSKI CENTAR SARAJEVO D.O.O. SARAJEVO ZA 2017. GODINU („ZA” 8, „PROTIV” 20 I „SUZDRŽANIH” 2).

c)

IZVJEŠTAJ O POSLOVANJU KJP „Veterinarska stanica” d.o.o. SARAJEVO ZA 2017. GODINU NIJE USVOJEN („ZA” 8, „PROTIV” 17 I „SUZDRŽANIH” 5).

d)

IZVJEŠTAJ O POSLOVANJU KJP “ POLJOPRIVREDNO DOBRO BUTMIR” D.O.O. SARAJEVO-ILIDŽA ZA 2017. GODINU NIJE USVOJEN („ZA” 8, „PROTIV” 17 I „SUZDRŽANIH” 5).

Predsjedavajući je zaključio sjednicu u 22,15 sati, te najavio nastavak rada 25.01.2019.godine sa početkom u 10,00 sati.

ZAPISNIK IZRADILA

Lejla Kadrić

## **Z A P I S N I K**

**sa drugog nastavka Treće Radne sjednice Skupštine Kantona Sarajevo,  
održane u srijedu, 25.01.2019. godine sa početkom rada u 10,00 sati**

Predsjedavajući Elmedin Konaković (u daljem tekstu predsjedavajući) je pozdravio sve prisutne i otvorio Drugi nastavak Treće Radnu sjednicu Skupštine Kantona Sarajevo. /HIMNA/

Prema evidenciji Službe, sjednici prisustvuje 25 zastupnika, što je dovoljan broj za punovažan rad i odlučivanje.

Izostanak sa ove sjednice opravdali su: Sabahudin Delalić, Bibija Kerla, Haris Pleh, Kašnjenje najavila: Amra Hasagić.

Sjednici su prisustvovali poslanici/zastupnici:

#### **SDA - STRANKA DEMOKRATSKE AKCIJE**

1. Jasmina Bišćević-Tokić
2. Samra Čosović-Hajdarević
3. Aljoša Čampara
4. Mahir Dević
5. Admela Hodžić
6. Smiljana Viteškić
7. Hamed Aljović
8. Amra Hasagić
9. Mirza Čelik

#### **POLITIČKA ORGANIZACIJA "NAROD I PRAVDA"**

1. Vedran Jakupović
2. Elmedin Konaković
3. Danijela Kristić
4. Amel Mekić
5. Arijana Memić
6. Elvedin Okerić

#### **POLITIČKA ORGANIZACIJA GRAĐANA "NAŠA STRANKA"**

1. Vildana Bešlija
2. Neira Dizdarević
3. Elvis Vreto
4. Vibor Handžić

#### **SOCIJALDEMOKRATSKA PARTIJA BOSNE I HERCEGOVINE**

1. Damir Nikšić
2. Srna Bajramović Srna
3. Igor Stojanović
4. Samir Suljević

#### **SAVEZ ZA BOLJU BUDUĆNOST BIH – FAHRUDIN RADONČIĆ**

1. Jasna Duraković
2. Bilsena Šahman
3. Zvonko Marić
4. Dževad Poturak

#### **DEMOKRATSKA FRONTA**

1. Senad Hasanović
2. Sead Milavica

## NEZAVISNA BOSANSKOHERCEGOVAČKA LISTA

1. Amra Junuzović-Kaljić
2. Fahrudin Pecikoza

Predsjedavajući je podsjetio zastupnike da su na prethodna dva zasjedanja obradili deset tačaka dnevnog reda te da današnju sjednicu počinju sa jedanaestom tačkom, kako slijedi:

### AD – 11.

#### IZVJEŠTAJ O RADU I FINANSIJSKOM POSLOVANJU ZA 2017. GODINU:

- a) Kliničkog centra Univerziteta u Sarajevu;
- b) JU Opća bolnica „Prim. dr. Abdulah Nakaš“ ;
- c) JU Psihijatrijska bolnica Kantona Sarajevo;
- d) JU „Apoteke Sarajevo“;
- e) JU Dom zdravlja Kantona Sarajevo;
- f) JU Zavod za bolesti ovisnosti Kantona Sarajevo;
- g) JU Zavod za hitnu medicinsku pomoć Kantona Sarajevo;
- h) JU Zavod za javno zdravstvo Kantona Sarajevo;
- i) JU Zavod za medicinu rada Kantona Sarajevo;
- j) JU Zavod za zdravstvenu zaštitu žena i materinstva Kantona Sarajevo;
- k) JU Kantona Sarajevo Zavod za zaštitu zdravlja studenata Univerziteta u Sarajevu;
- l) JU Zavod za sportsku medicinu Kantona Sarajevo;
- m) JU Zavod za zdravstvenu zaštitu zaposlenika Ministarstva unutrašnjih poslova Kantona Sarajevo

Izvještaje su zastupnici dobili uz poziv za sjednicu.

Obzirom da se svi izvještaji odnose na oblast zdravstva, predsjedavajući je predložio da se vodi zajedničku raspravu o svim javnim ustanovama, a izjašnjavanje pojedinačno za svaku ustanovu, što su zastupnici jednoglasno i podržali.

Uvodno izlaganje je podnijela ministrica zdravstva Amela Softić, nakon čega je predsjedavajući dao riječ predstavnicima JU kako slijedi: KCUS Dr. Erna Suljić, U Opća bolnica „Prim. dr. Abdulah Nakaš“ dr. Zlatko Kravić, Psihijatrijska bolnica Kantona Sarajevo dr. Muhamed Ahmić, JU Apoteka Sarajevo Sait Muradić, Dom zdravlja Kantona Sarajevo Fuad Husić, Zavod za bolesti ovisnosti Kantona Sarajevo Nermina Mehić Basara, Zavod za hitnu medicinsku pomoć Kantona Sarajevo Adem Zalihić, Zavod za javno zdravstvo Kantona Sarajevo dr. Aida Pilav, Zavod za medicinu rada dr. Kasema Telalagić, Zavod za zdravstvenu zaštitu žena i materinstva Kantona Sarajevo dr. Mithat Kurtović, Zavod za zdravstvenu zaštitu studenata UNSA dr. Žana Pozderac, Zavod za sportsku medicinu Kantona Sarajevo dr. Adnan Hadžimuratović, Zavod za zdravstvenu zaštitu zaposlenika MUP-a.

Nakon dugih uvodnih izlaganja, na prijedlog zastupnika Elvedina Okerića, zastupnici su izglasali pauzu većinom glasova („ZA” 23, nije glasalo 6).

U nastavku za riječ se javila predsjedavajuća Komisije za zdravstvo Segmedina Srna Bajramović Srna je upoznala Skupštinu o zaključku Komisije i zamolila da se Skupština u nastavku izjasni o istom, a predsjedavajući je zamolio zastupnicu da isti dostavi u pisanoj formi svim zastupnicima u toku sjednice.

Potom su uslijedila pitanja zastupnika u kojima su učestvovali zastupnici: Arijana Memić, Mahir Dević, Danijela Kristić, Jasna Duraković, Bilsena Šahman, Zvonko Marić, Samra Ćosović-Hajdarević, Mirza Čelik, Igor Stojanović, Amel Mekić, Admela Hodžić, Segmedina Srna Bajramović, Jasmina Bišćević-Tokić, Aljoša Čampara, Vedran Jakupović, Dževad Poturak, Samir Suljević, Damir Nikšić, Vibor Handžić, Elvis Vreto, Elmedin Konaković.

Odgovore su dali predstavnici JU kojima su bila postavljena pitanja, nakon čega je data pauza u kojoj su sjednicu održali Komisija za izbor imenovanja a zatim i Kolegij.

U nastavku zasjedanja predsjedavajući je otvorio prostor za diskusije u kojima su učestvovali zastupnici: Aljoša Čampara, Samra Ćosović-Hajdarević, Sead Milavica, Vildana Bešlija, Arijana Memić, Jasna Duraković, Zvonko Marić, Igor Stojanović, Neira Dizdarević, Danijela Kristić, Segmedina Srna Bajramović, Damir Nikšić, Vibor Handžić, Jasmina Bišćević-Tokić,

Na zahtjev predsjednika Kluba SDA Mahira Devića data je pauza od pola sata koju je nakon toga obrazložio zastupnik Aljoša Čampara, tražeći da se zastupnik Zvonko Marić izvine zastupnici Jasmini Bišćević-Tokić zbog neprimjerenih komentara, kao i zamolio sve zastupnike da vode računa kako se ophode jedni prema drugima.

Predsjedavajući je zamolio sve zastupnike da se drže teme i dao riječ narednim diskutantima: Damir Marjanović, Vedran Jakupović, Mahir Dević, Smiljana Viteškić, Bilsena Šahman, Elmedin Konaković.

Nakon zaključivanja rasprave predsjedavajući je pozvao zastupnike da se izjasne o izvještajima, nakon čega je konstatovao sljedeće:

a)

IZVJEŠTAJ O RADU I FINANSIJSKOM POSLOVANJU KLINIČKOG CENTRA UNIVERZITETA U SARAJEVU ZA 2017. GODINU NIJE USVOJEN („ZA” 9, „PROTIV” 20, „SUZDRŽAN 1).

b)

IZVJEŠTAJ O RADU I FINANSIJSKOM POSLOVANJU JU OPĆA BOLNICA „PRIM. DR. ABDULAH NAKAŠ“ ZA 2017. GODINU SA ZAKLJUČCIMA USVOJEN JE JEDNOGLASNO („ZA” 30).

c)

IZVJEŠTAJ O RADU I FINANSIJSKOM POSLOVANJU JU PSIHIJATRIJSKA BOLNICA KANTONA SARAJEVO ZA 2017. GODINU NIJE USVOJEN („ZA” 9, „PROTIV” 0, „SUZDRŽAN 22).

d)

IZVJEŠTAJ O RADU I FINANSIJSKOM POSLOVANJU JU APOTEKE SARAJEVO ZA 2017. GODINU NIJE USVOJEN („ZA” 13, „PROTIV” 5, „SUZDRŽAN 13).

e)

IZVJEŠTAJ O RADU I FINANSIJSKOM POSLOVANJU JU DOM ZDRAVLJA KANTONA SARAJEVO ZA 2017. GODINU NIJE USVOJEN („ZA” 9, „PROTIV” 17, „SUZDRŽANO 5).

f)  
IZVJEŠTAJ O RADU I FINANSIJSKOM POSLOVANJU JU ZAVOD ZA BOLESTI  
OVISNOSTI KANTONA SARAJEVO ZA 2017. GODINU NIJE USVOJEN („ZA” 13,  
„PROTIV” 6, „SUZDRŽAN 12).

g)  
IZVJEŠTAJ O RADU I FINANSIJSKOM POSLOVANJU JU ZAVOD ZA HITNU  
MEDICINSKU POMOĆ KANTONA SARAJEVO ZA 2017. GODINU NIJE USVOJEN  
(„ZA” 10, „PROTIV” 4, „SUZDRŽANO 17).

h)  
IZVJEŠTAJ O RADU I FINANSIJSKOM POSLOVANJU JU ZAVOD ZA JAVNO  
ZDRAVSTVO KANTONA SARAJEVO ZA 2017. GODINU NIJE USVOJEN („ZA” 9,  
„PROTIV” 1, „SUZDRŽANO 12).

i)  
IZVJEŠTAJ O RADU I FINANSIJSKOM POSLOVANJU JU ZAVOD ZA MEDICINU RADA  
KANTONA SARAJEVO ZA 2017. GODINU NIJE USVOJEN („ZA” 12, „PROTIV” 0,  
„SUZDRŽANO 18).

j)  
IZVJEŠTAJ O RADU I FINANSIJSKOM POSLOVANJU JU ZAVOD ZA ZDRAVSTVENU  
ZAŠTITU ŽENA I MATERINSTVA KANTONA SARAJEVO ZA 2017. GODINU NIJE  
USVOJEN („ZA” 13, „PROTIV” 0, „SUZDRŽANO 18).

k)  
IZVJEŠTAJ O RADU I FINANSIJSKOM POSLOVANJU JU KS ZAVOD ZA ZAŠTITU  
ZDRAVLJA STUDENATA UNIVERZITETA U SARAJEVU ZA 2017. GODINU NIJE  
USVOJEN („ZA” 13, „PROTIV” 0, „SUZDRŽANO 17).

l)  
IZVJEŠTAJ O RADU I FINANSIJSKOM POSLOVANJU JU ZAVOD ZA SPORTSKU  
MEDICINU KANTONA SARAJEVO ZA 2017. GODINU NIJE USVOJEN („ZA” 13,  
„PROTIV” 0, „SUZDRŽANO 18).

m)  
IZVJEŠTAJ O RADU I FINANSIJSKOM POSLOVANJU JU ZAVOD ZA ZDRAVSTVENU  
ZAŠTITU ZAPOSLENIKA MUP-a KANTONA SARAJEVO ZA 2017. GODINU NIJE  
USVOJEN („ZA” 13, „PROTIV” 0, „SUZDRŽANO 18).

Dvanaesta tačka dnevnog reda:

## **AD – 12.**

### **IZVJEŠTAJ O RADU I FINANSIJSKOM POSLOVANJU ZAVODA ZDRAVSTVENOG OSIGURANJA KANTONA SARAJEVO ZA 2017. GODINU**

Izvjestaj su zastupnici dobili uz poziv za sjednicu.

Uvodno izlaganje je napravila ministrica zdravstva Amela Sofić koja je potom pozvala direktora ZZO KS Samira Turkovića da podnese detaljnije obrazloženje Izvještaja obzirom da se radi o 2017. godini.

Pitanja su postavili zastupnici: Elvis Vreto, Mirza Čelik, Zvonko Marić, Igor Stojanović, Neira Dizdarević i Segmedina Srna Bajramović na koja je odgovor dao direktor Zavoda Samir Turković.

Predsjedavajući je potom otvorio prostor za diskusiju u kojoj je učestvovao zastupnik Mirza Čelik.

Nakon zaključivanja diskusije predsjedavajući je pozvao zastupnike da se izjasne po ovom Izvještaju, nakon čega je konstatovao:

**IZVJEŠTAJ O RADU I FINANSIJSKOM POSLOVANJU ZAVODA ZDRAVSTVENOG OSIGURANJA KANTONA SARAJEVO ZA 2017. GODINU NIJE USVOJEN („ZA” 8, „PROTIV” 20, „SUZDRŽANO 1).**

Trinaesta tačka dnevnog reda:

#### **AD – 13.**

#### **IZVJEŠTAJ O RADU I FINANSIJSKOM POSLOVANJU JU ZA 2017. GODINU**

- a) MES- Međunarodni teatarski festival- Scena MESS;
- b) Muzej Sarajeva ;
- c) Historijski arhiv Sarajevo ;
- d) Muzej “Alija Izetbegović”;
- e) Centar za kulturu Kantona Sarajevo;
- f) “Kamerni teatar 55”;

Navedene izvještaje su zastupnici dobili uz poziv za sjednicu.

Predsjedavajući je predložio da se diskusija vodi po svim izvještajima iz oblasti kulture jedinstveno, a da će se za svaki posebno izjašnjavati, što su zastupnici i podržali. Ministar kulture i sporta, Mirvad Kurić, podnio je uvodno izlaganje u ime Predlagača. Nije bilo prijavljenih za pitanja i diskusiju te je predsjedavajući pozvao zastupnike na izjašnjavanje. Nakon izjašnjavanja, konstatovano je sljedeće:

a)

**IZVJEŠTAJ O RADU I FINANSIJSKOM POSLOVANJU JU „MES - MEĐUNARODNI TEATARSKI FESTIVAL - SCENA MESS“ ZA 2017. GODINU USVOJEN JE VEĆINOM GLASOVA („ZA” 26, „PROTIV” 0, „SUZDRŽANO 1).**

b)

**IZVJEŠTAJ O RADU I FINANSIJSKOM POSLOVANJU JU „MUZEJ SARAJEVA“ ZA 2017. GODINU NIJE USVOJEN („ZA” 10, „PROTIV” 0, „SUZDRŽANO 18).**

c)  
IZVJEŠTAJ O RADU I FINANSIJSKOM POSLOVANJU JU „HISTORIJSKI ARHIV SARAJEVO“ ZA 2017.GODINU NIJE USVOJEN („ZA” 11, „PROTIV” 0, „SUZDRŽANO 17).

d)  
IZVJEŠTAJ O RADU I FINANSIJSKOM POSLOVANJU JU MUZEJ „ALIJA IZETBEGOVIĆ“ ZA 2017.GODINU USVOJEN JE JEDNOGLASNO („ZA” 27, „PROTIV” 0, „SUZDRŽANO 1).

e)  
IZVJEŠTAJU O RADU I FINANSIJSKOM POSLOVANJU JU „CENTAR ZA KULTURU KANTONA SARAJEVO“ ZA 2017.GODINU USVOJEN JE JEDNOGLASNO („ZA” 27, „PROTIV” 0, „SUZDRŽANO 1).

f)  
IZVJEŠTAJU O RADU I FINANSIJSKOM JU KAMERNI TEATAR '55 SARAJEVO ZA 2017.GODINU USVOJEN JE JEDNOGLASNO („ZA” 27, „PROTIV” 0, „SUZDRŽANO 1).

Četrnaesta tačka dnevnog reda:

#### **AD – 14.**

#### **IZVJEŠTAJ O RADU KANTONALNE UPRAVE ZA INSPEKCIJSKE POSLOVE KANTONA SARAJEVO ZA 2017. GODINU**

Zastupnici su se aklamacijom izjasnili da nisu potrebne uvodne napomene, nije bilo prijavljenih za pitanja ili diskusiju, te je predsjedavajući pozvao zastupnike na izjašnjavanje, nakon čega je konstatovao:

IZVJEŠTAJ O RADU KANTONALNE UPRAVE ZA INSPEKCIJSKE POSLOVE KANTONA SARAJEVO ZA 2017. GODINU USVOJEN JE JEDNOGLASNO („ZA” 28, „PROTIV” 0, „SUZDRŽANO 1).

Petnaesta tačka dnevnog reda:

#### **AD – 15.**

#### **IZVJEŠTAJ O RADU SA FINANSIJSKIM IZVJEŠTAJEM KANTONALNOG ZAVODA ZA PRUŽANJE BESPLATNE PRAVNE POMOĆI KANTONA SARAJEVO ZA 2017. GODINU**

Zastupnici su se aklamacijom izjasnili da nisu potrebne uvodne napomene, nije bilo prijavljenih za pitanja ili diskusiju, te je predsjedavajući pozvao zastupnike na izjašnjavanje, nakon čega je konstatovao:

IZVJEŠTAJ O RADU SA FINANSIJSKIM IZVJEŠTAJEM KANTONALNOG ZAVODA ZA PRUŽANJE BESPLATNE PRAVNE POMOĆI KANTONA SARAJEVO ZA 2017. GODINU NIJE USVOJEN („ZA” 7, „PROTIV” 0, „SUZDRŽANO 22).

Tačka šesnaest:

**AD – 16.**

**IZVJEŠTAJ O POSLOVANJU KJKP "GRAS" ZA 2017.GODINU**

Zastupnici su se aklamacijom izjasnili da nisu potrebne uvodne napomene, nije bilo prijavljenih za pitanja ili diskusiju, te je predsjedavajući pozvao zastupnike na izjašnjavanje, nakon čega je konstatovao:

IZVJEŠTAJ O POSLOVANJU KJKP "GRAS" ZA 2017.GODINU NIJE USVOJEN („ZA” 0, „PROTIV”25, „SUZDRŽANO 4).

Tačka sedamnaest:

**AD – 17.**

**IZVJEŠTAJ O POSLOVANJU JP „TELEVIZIJA KANTONA SARAJEVO“ D.O.O. SARAJEVO ZA 2017. GODINU**

Izvještaj su zastupnici dobili uz poziv za sjednicu.

Zastupnici su se izjasnili da nije potrebno uvodno izlaganje. Pitanje je postavio zastupnik Mahir Dević na koji je odgovor dala ministrica pravde i uprave Lejla Brčić.

U diskusiji su učestvovali zastupnici: Mahir Dević i Mirza Čelik.

Po zaključivanju rasprave, predsjedavajući je pozvao zastupnike na izjašnjavanje nakon čega je konstatovao:

IZVJEŠTAJ O POSLOVANJU JP „TELEVIZIJA KANTONA SARAJEVO“ D.O.O. SARAJEVO ZA 2017. GODINU NIJE USVOJEN („ZA” 8, „PROTIV”22, „SUZDRŽANO 0).

Osamnaesta tačka:

**AD – 18.**

**IZVJEŠTAJ O RADU PRAVOBRANILAŠTVA KANTONA SARAJEVO ZA 2017. GODINU**

Zastupnici su se aklamacijom izjasnili da nisu potrebne uvodne napomene, nije bilo prijavljenih za pitanja ili diskusiju, te je predsjedavajući pozvao zastupnike na izjašnjavanje, nakon čega je konstatovao:

IZVJEŠTAJ O RADU PRAVOBRANILAŠTVA KANTONA SARAJEVO ZA 2017. GODINU USVOJEN JE JEDNOGLASNO („ZA” 30, „PROTIV” 0, „SUZDRŽANO 0).

Devetnaesta tačka:

**AD – 19.**

**IZVJEŠTAJ O RADU I FINANSIJSKOM POSLOVANJU KANTONALNE JAVNE USTANOVE ZA ZAŠTIĆENA PRIRODNA PODRUČJA ZA 2017. GODINU**

Zastupnici su se aklamacijom izjasnili da nisu potrebne uvodne napomene, nije bilo prijavljenih za pitanja ili diskusiju, te je predsjedavajući pozvao zastupnike na izjašnjavanje, nakon čega je konstatovao:

IZVJEŠTAJ O RADU I FINANSIJSKOM POSLOVANJU KANTONALNE JAVNE USTANOVE ZA ZAŠTIĆENA PRIRODNA PODRUČJA ZA 2017. GODINU NIJE USVOJEN („ZA” 12, „PROTIV” 9, „SUZDRŽANO 9).

Dvadeseta tačka:

**AD – 20.**

**IZVJEŠTAJ O POSLOVANJU KANTONALNE JAVNE USTANOVE "GERONTOLOŠKI CENTAR" ZA 2017. GODINU**

Zastupnici su se aklamacijom izjasnili da nisu potrebne uvodne napomene, nije bilo prijavljenih za pitanja ili diskusiju, te je predsjedavajući pozvao zastupnike na izjašnjavanje, nakon čega je konstatovao:

IZVJEŠTAJU O POSLOVANJU KANTONALNE JAVNE USTANOVE "GERONTOLOŠKI CENTAR" ZA 2017. GODINU NIJE USVOJEN („ZA” 9, „PROTIV” 18, „SUZDRŽANO 4).

Dvadeset i prva tačka dnevnog reda:

**AD – 21.**

**IZVJEŠTAJ O SREDNJOROČNOJ EVALUACIJI INTEGRIRANE STRATEGIJE RAZVOJA KANTONA SARAJEVO ZA RAZDOBLJE 2016.-2017. GODINE**

Izvještaj su zastupnici dobili uz poziv za sjednicu. Ministar finansija Amel Kovačević je obavijestio prisutne da nisu pozvali vanjskog konsultanta obzirom na nedefinisano vrijeme održavanja ove tačke dnevnog reda, što zastupnici su zastupnici podržali, nije bilo pitanja niti diskusije, te je predsjedavajući pozvao na izjašnjavanje nakon čega je konstatovao:

IZVJEŠTAJ O SREDNJOROČNOJ EVALUACIJI INTEGRIRANE STRATEGIJE RAZVOJA KANTONA SARAJEVO ZA RAZDOBLJE 2016.-2017. GODINE NIJE USVOJEN („ZA” 15, „PROTIV” 0, „SUZDRŽANO 16).

Dvadeset i druga tačka dnevnog reda

**AD – 22.**

**IZVJEŠTAJ O RADU SA FINANSIJSKIM POSLOVANJEM UNIVERZITETA U SARAJEVU ZA PERIOD 01.01.-31.12.2017. GODINE**

Predsjedavajući je obavijestio da Rektor UNSA nije prisutan iz razloga što se nije moglo sa sigurnošću utvrditi da li će i kada doći ova tačka na red za diskusiju.

Zastupnik Damir Marjanović je informisao zastupnike da je rektor bio prisutan na Komisiji za obrazovanje i nauku gdje se detaljno razmatrao ovaj Izvještaj, te smatra da može dati adekvatne odgovore ukoliko zastupnici imaju pitanja.

Nije bilo prijavljenih zastupnika za pitanja ili diskusiju pa je predsjedavajući pozvao na izjašnjavanje nakon čega je konstatovao:

**IZVJEŠTAJ O RADU SA FINANSIJSKIM POSLOVANJEM UNIVERZITETA U SARAJEVU ZA PERIOD 01.01.-31.12.2017. GODINE USVOJEN JE JEDNOGLASNO („ZA” 31, „PROTIV” 0, „SUZDRŽANO 0).**

**AD – 23.**

**IZVJEŠTAJ MINISTARSTVA SAOBRAĆAJA KANTONA SARAJEVO O BROJU DOPUNSKIH TAKSI OZNAKA U KANTONU SARAJEVO U 2018. GODINI**

Zastupnici su se aklamacijom izjasnili da nisu potrebne uvodne napomene, nije bilo prijavljenih za pitanja ili diskusiju, te je predsjedavajući pozvao zastupnike na izjašnjavanje, nakon čega je konstatovao:

**IZVJEŠTAJU MINISTARSTVA SAOBRAĆAJA KANTONA SARAJEVO O BROJU DOPUNSKIH TAKSI OZNAKA U KANTONU SARAJEVO U 2018. GODINU USVOJEN JE JEDNOGLASNO („ZA” 31, „PROTIV” 0, „SUZDRŽANO 0).**

**AD – 24.**

**IZVJEŠTAJ O IZVRŠENJU SANKCIJA U KANTONU SARAJEVO ZA 2017. GODINU**

Zastupnici su se aklamacijom izjasnili da nisu potrebne uvodne napomene, nije bilo prijavljenih za pitanja ili diskusiju, te je predsjedavajući pozvao zastupnike na izjašnjavanje, nakon čega je konstatovao:

**IZVJEŠTAJ O IZVRŠENJU SANKCIJA U KANTONU SARAJEVO ZA 2017. GODINU USVOJEN JE JEDNOGLASNO („ZA” 31, „PROTIV” 0, „SUZDRŽANO 0).**

**- 0 -**

Predsjedavajući je obavijestio zastupnike da je zastupnica Segmedina Srna Bajramović odustala od predloženog zaključka, te konstatovao da su iscrpljene sve tačke dnevnog reda i zaključio rad ne drugom nastavku Treće radne sjednice u 21 sat i 24 minute.

**ZAPISNIK IZRADILA**

Lejla Kadrić